

金石萃編

金石萃編卷一百四十八

賜進士出身 諡授光祿大夫刑部右侍郎加七級王昶撰

朱二十六

建康府嘉惠廟牒

石高五尺九寸四分廣四尺作三截書上二截牒文  
共大小字十六行行三十或三十一并十二十三字  
不等下截記十六行行  
十五字正書在上元縣

尚書省牒建康府嘉惠廟

禮部狀准都省付下江南東路轉運司奏建康靈澤夫  
人祠宇祈求顯應欲望

睿慈特賜加封仍賜廟額本司尋覆行審究得委有上

項顯應本司保明詣實本部尋行下太常寺勘會去後  
今據本寺申檢會近降指揮節文神祠如有靈應卽先  
賜額今來建康府靈澤夫人父老相傳稱呼靈澤夫人  
本口今依前項指揮合先賜額本部所據太常寺申到  
事理伏乞朝廷詳酌指揮施行伏候

指揮

牒奉

勅宜賜嘉惠廟爲額牒至准

勅故牒

紹興二年十一月 日牒

簽書樞密院事兼權叅知政事權

叅知政事孟

尙書右僕射同中書門下平章事

尙書左僕射同中書門下平章事

嘉惠廟靈澤夫人之祠也本末源流載于志者甚詳  
紹興初計臺禱雨獲應申請于 朝遂賜今額自

是靈休益著凡有所祈隨叩響荅寶慶改元夏旱時  
僞適脩貢下邑心實憂之敬往禱焉果獲甘霖農望  
少蘇於是顧瞻祠宇咨問所元因取賜額勅黃觀之  
信而有證喟然嘆曰 神之有功于民洪矣嘉惠之

褒鐫刻登載因仍闕然歷年浸多恐就湮沒不惟爾  
神之功不著而國家所以褒崇爾神爲民祈福之  
意亦將晦昧而不彰予心歎焉謹以其所賜勅黃刻  
之堅珉傳示不朽云寶慶改元七月日奉議郎知建  
康府上元縣主管勸農營田公事借緋趙時僑謹記  
住山釋普寧立

張彥忠刊

右嘉惠廟牒紹興二年江東轉運司奏建康府靈澤  
夫人祠祈禱有應勅賜額嘉惠廟牒後宰執押字者  
四人自左而右曰尙書左僕射同中書門下平章事  
者呂頤浩也曰尙書右僕射同中書門下平章事者

朱勝非也曰參知政事孟者孟庾也曰簽書樞密院  
事兼權參知政事權者權邦彥也後九十四年寶慶  
改元知上元縣趙時僑始以所賜勅黃刻於石記其  
事於下方

潛研堂金石文跋尾

按江寧府志載嘉惠廟在城東南二十五里紹興

元年

碑作二年此誤

賜額慶元志丞相沈該政和中作邑

上元禱雨應刻詩于祠而不詳所祠何神故靈澤

夫人事蹟無攷

岳飛送張紫巖詩

碑高八尺七寸廣四尺六寸六  
行通五十七字行書在陽陰

送紫巖張先生北伐

號令風霆迅天聲動北阪長驅渡河洛直擣向燕幽馬  
蹏闕氏血旗梟克汗頭歸來報 明主恢復舊神州

紹興五年秋日岳飛拜

按此詩刻者三處一在湯陰一在錢塘墓祠一在  
濟南府署此所搨者湯陰本也紫巖卽張浚號宋

史高宗紀及張浚岳飛傳紹興五年秋皆無張浚

北伐之事

考李勿武名臣言行錄別集載張浚知

司秦川乃以浚爲川陝等路宣撫處置使浚至漢  
中上奏言漢中實天下形勢之地號令中原必基  
於此謹於興元積粟理財以待巡幸云云此則浚  
國北伐以復中原之本計然其事在建炎二年時

岳飛方在崇澤軍中爲副守是時浚方與趙鼎同  
司統制與張浚毫不相涉也官左右僕射巨寇楊么  
環洞庭浚請因盛夏乘其怠討之具奏與岳飛同討  
楊么洲寇盡平浚遂奏遣岳飛屯荆襄以圖中原並非  
北伐至其署欵尤非宋人體製宋人贈詩標題及自署  
姓名皆系銜于上從未有稱其號而謂之紫巖張先生  
者又姓名之下亦未有書拜字者似是明人僞託然碑  
已傳久忠武詩蹟又爲人所重故特辨之

岳飛墨莊題字

石高三尺九寸五分廣二尺八分  
二大字直下行書在湯陰



征西將軍岳飛書

墨莊

紹興丙辰夏月

北宋劉幾顏其書室曰墨莊厥後忠武岳侯討楊么  
道經新邑駢馬劉景暉餉師三日景暉幾同文也忠  
武因書墨莊二字題之劉氏子孫勒之家廟摹石而  
流傳之世人寶重懸之室中邪靡歛跡夫忠武之勤  
王忠也景暉之餉師義也劉氏子孫世守忠武墨蹟  
世之人共寶之忠義之不可磨滅也如斯夫

朱戟  
跋

按朱高安跋語意未斷北宋劉幾史無傳岳忠武

討楊公在紹興五年所云道經新邑未詳何邑駙  
馬劉景暉宋史公主傳徽宗女惟顯德帝姬下嫁  
劉文彥或卽景暉然不詳其餉師事此碑在湯陰  
與所謂道經新邑者無涉碑題丙辰良月則紹興  
六年十月也時忠武居母憂起復劉豫遣子麟猗  
分道寇淮西命率師東下未至麟敗乃還軍當家  
國憂難之秋而從容書此恐亦未確又是時忠武  
奉命宣撫河東節制河北路碑題征西將軍系銜  
亦與史不合姑存以備攷

高宗御書石經

碑殘闕僅存八十七石高廣行字皆不計正書在杭州府學靈星門內左右壁

經文不錄碑多模糊今取各碑起訖處有文可辨者分列如左

左壁三十八碑

易二碑

乾元亨利貞上層起象曰有命无咎志行也九五休下層止

否大人吉其亡其亡繫于苞桑上層起九三日昃之

離下層止

書七碑經義者作六碑

上層模糊攸徂之民室下層

武惟朕文考無罪上層天降威知我國殷下層殷字缺筆避諱

上層模柳惟乃祖  
乃父等字可辨

惟我有周誕受多方

下層

上層不可征王寧不達下

越五日甲寅若翼日乙

下層止

卯起上層

若天樂忱我亦不敢知

下層止

終出于不祥

上層

詰姦慝刑暴亂

下層

上層

下層秦

詩十碑

經義考作十二碑

關雎后妃之德也

上層起

胡能有定告我不述

下層

送子涉淇

上層起

青青子佩

下層止

悠悠我思縱我不往

上層起

維子之故羔裘豹

下層止

有扶之杜生于道左

上層起

輾轉伏枕

下層止

采芣祁祁

起上層

我有嘉賓中心

止下層

好之鍾鼓既設

起上層

職競由人

止下層

取其血骨

起上層

何人不將經營四方

止下層

何草不蠶

起上層

于時廬旅于時言言

止下層

入覲以其介圭入覲于王

起上層

桓桓武王保有厥

士

止下層

駉有駉有雒

起上層

終下層卷

### 中庸一碑

必自邇譬如登高

起上層

下層終卷末空處有印曰御書之印

### 論語七碑

子曰學而時習之

起上層

有反坫管氏亦

止下層

有反坫管氏而知禮

起上層

冉子與之粟五秉赤之

適

止下層

齊也乘肥馬

起上層

如履薄冰

止下層

而今而後

起上層

食體而餽魚

止下層

餒而肉敗

起上層

司馬牛問君子子曰君子不

止下層

不忠信行不篤敬

起上層起敬字避諱缺口

亦曰君夫人

止下層

者與之其不可者拒之

起上層

下層終卷末有秦柏記詳見後

孟子十一碑

不可以敵強

起上層

則何為不行王

止下層

上層 缺角 寡人好色 管仲晏子之止 下層

今此下民起 上層 故爲兵餽止 下層

之子何爲不受起 上層 夫道一而已矣止 下層

成甌謂齊景公曰起 上層 大哉堯之爲君止 下層

惟天惟大起 上層 晉國亦仕國也下層

堯舜之道焉非其義也起 上層 是天子而友匹夫也

下層 止

用下欽上起 上層 起敬 猶人之性與止 下層

上層 缺角 仁內也非外也 指不若人則知惡之止 下層

下而去之仁者固如是乎起 上層 舍則失之是求有

益於下層

上層 缺角 舜為天子 是為馮婦也下層

右壁

左傳四十九碑

上層 糲糊 澗溪沼沚之毛 下層 糲糊

奚齊既與中大夫成起上層 而告之曰夷吾無禮下層

夏晉太子禹為質于秦起上層 忠而能力晉而無親下層

吾聞姬姓唐叔之後起上層 傳政于子玉曰以靖國

也靖諸內下層

而敗諸外起上層 治厘辭卿九月甲午晉止下層



侯秦伯圍鄭上層起孟明視率師伐晉以報殺下層止

晉侯禦之先且民將中軍上層起戊子敗秦師于令

狐至于下層止

己丑先蔑奔秦士會從之上層起先使士會士會辭

下層止

于晉公口口相會口口于樂上層起邾而川之下層

上層公望非禮也中二層有此等字下層模糊

晉師救鄭荀林父將中軍上層衛殺其大夫孔達下層

也我口乃口且告車乘甚衆上層起下層模糊

臣不在受怨上層起下層模糊

則是康公絕我好也上層 姬姓日也口姓月也必楚

之王也下層

上層 玫瑰盈其懷從而歌之下層

士飭逆周子于口口上層 多行不義必自及也其是

之謂乎下層

請口口晉侯不許孟獻子曰上層 下層

上層 晉侯 晉侯中層 下層

上層 謂其宰曰尔以帑免我下層

與之邑其從者皆有賜上層 而殺口范氏之徒下層

上層 昭公語祭仲曰必娶之下層

曰歸乎日君死安歸

上層

賦蓼蕭

下層

命晉侯拜

上層

晉楚之大夫趙孟子木與之言不能

對

下層

亦不能對也

上層

待其立君而後爲之備

下層

趙文子喪

上層

而不撫其民其君弱

下層

子侈太子卑大夫教政多門以介于大國

上層

君子

務知大者小人務知小者

下層

上層

趙孟曰天平對曰有焉

下層

口之聞也此皆然矣

上層

銘曰昧旦丕顯

下層

况日不悅其能久乎

上層

黑而上僂深目

下層

上層  
模糊

子產相鄭伯辭于享

中層有  
此語

下層  
模糊

上層  
模糊

丙辰衛侯

下層可辨者  
惟此餘模糊

載寶以出  
上層

遇公子于馬路之口乃復入楚

下層

上層  
模糊

春王正月葬宋元公

下層

晉殺祁盈

上層

下層  
模糊

如不敢逃死君其入也

上層

會諸侯于呂陵爲伐楚

下層

上層  
模糊

于是乎遷鄭于郟而改紀

下層

子謂樂口曰惟寡人說子之言

上層

圉人曰吾以劍

過朝

下層

模糊上層

召午而囚諸晉陽下層

模糊上層

秋九月癸酉齊侯口口卒下層

不如死棄盟逃上層

十有一年春齊國書帥師伐

我下層

模糊上層

太叔懿子止而飲之酒下層

乃免胄而進上層

衛侯文子欲納之下層

及瓜而代期上層

夫人姜氏薨冬十有二月下層

嘉父逆晉侯于隨上層

周内史聞之曰下層

模糊上層

豈其没于乾谿下層

簡書同惡相恤之謂也

上層 此只三層 末層模糊莫辨

二十二年春正月命于口

上層同上

上層中二層下

層俱模糊莫辨

上層模糊下層終卷末有  
素椅記與論語碑同見後

臣聞之書曰天降下民作之君作之師自古聖王在  
上則君師之任歸于一故堯舜之世萬邦咸寧比屋  
可封者治教之明效大驗也仰惟主上以天錫勇智  
撥亂世反之正又於投戈之隙親御翰墨盡書六經  
以及論語孟子左氏傳朝夕從事爲諸儒倡口因得  
請刊石于園子監頒其本徧賜泮宮堯舜君師之任  
乃幸獲親見之夫以乾坤之清口世道之興起一人

專任其責所爲經綸於心表儀以身者勤亦至矣所  
望於丕應者豈淺哉詩不云乎思皇多士生此王國  
王國克生維周之幹臣願與學者勉之紹興十有三  
年秋九月甲子太師尙書左僕射同中書門下平章  
事兼樞密使監修國史兼提舉實錄院提舉詳定一  
司勅令提舉編修玉牒所魏國公臣秦檜記此記兩  
見一在  
論語碑末一在左傳碑末兩碑文同今取左傳碑錄  
之徵有異者治教之明效大驗也論語碑教作道天  
錫勇智論語碑作衣紹弓口投戈之隙論語碑隙作  
暇思皇多士論語碑作濟濟多士維周之幹論語碑  
韓作寧十有三年秋論語碑  
作受亥歲三字附記于此

高宗紹興十三年三月出御書左氏春秋宣示館職

六月出御書周易尙書委知臨安府張澄刊石頒諸  
州學十四年正月出御書尙書十月出御書毛詩十  
六年五月又出御書春秋左傳上又書論語孟子皆  
刊石立于太學首善閣及大成殿後三禮堂之廊廡  
淳熙四年二月十九日詔知臨安府趙磻老建閣奉  
安石經寘碑石于閣下墨本于閣上以光堯石經之  
閣爲名五月二十四日磻老奏御書禮記中庸大學  
學記儒行經解五篇不在太學石經之數今搜訪舊  
本重行摹勒以補禮經之闕從之六月十三日御書  
光堯石經之閣牌賜國子監

王



靖康丁未夏四月皇宋中興高宗卽大位改元建炎  
至紹興十三年癸亥通十九年金人侵凌干戈之日  
居多乃能親御翰墨作小楷以書周易尙書毛詩春  
秋左傳全帙又節禮記中庸儒行大學經解學記五  
篇章草語孟悉送成均九月甲子左僕射秦檜請鐫  
石以頒四方卷末皆刊檜跋語

石刻  
鐫叙

高宗御書六經皆以賜國子監及石本於諸庠上親  
御翰墨稍倦卽命憲聖續書至今皆莫能辨

四朝聞  
見錄

陳基西湖書院書目序云杭西湖書院宋太學故址  
也德祐內附學廢爲肅政廉訪司治所至元二十八

年故翰林學士承旨東平徐公持浙西行部使者節  
卽治所西偏爲書院後爲尊經閣閣之北爲書庫寔  
始收拾宋學舊版設司書掌之宋御書石經孔門七  
十二子畫像石刻咸在焉

夷白集

世祖至元中致遠爲杭州總管府推官西僧楊璉真  
加作浮屠於宋故宮欲取高宗所書九經石刻以築  
基致遠力拒之乃止

元史申屠致遠傳

至元二十五年二月毀宋故宮爲佛寺從桑哥及楊  
璉真加言凡宋宮殿郊廟悉毀爲寺復欲取宋高宗  
所書九經石刻爲浮屠基推官申屠致遠力拒止之

續通鑑綱目宋元通鑑並同續資治通鑑

宋高宗皇帝御書石經紹興十三年知臨安府事張  
敬摹勒上石淳熙四年詔知府趙礪老建閣于太學  
題曰光堯石經之閣置石其下洪邁曾惇楊冠卿葉  
紹翁李心傳陳騭王應麟潛說友紀之詳矣宋亡學  
廢爲肅政廉訪司治所西僧楊璉眞伽造白塢于行  
宮故址取其石壘塢杭州路廉訪經歷申屠致遠力  
持不可然已損其什一元至正間卽治所西偏建西  
湖書院以祀先師設有山長掌書庫其後明常熟吳  
諫乾州宋廷佐先後巡按浙江或覆之廊或甃以瓦

甌崇禎末廊圯乃嵌諸壁中左易二書六詩十有二  
禮記向有學記經解中庸儒行大學五篇今惟中庸  
片石存爾其南則理宗大書御製序四碑在焉右則  
春秋左氏傳四十八碑闕其首卷通計八十七碑諸  
經雖非足本然書法甚工學者所當藏弄若夫秦檜  
一跋已爲訥樵碎其詞見于學士院中興紀事本末  
君子無取也

曝書亭集

高宗御書石經小楷結體整秀有晉人法論孟字體  
較大而勢稍縱逸結體在真行之間其中避諱缺筆  
如殷爲殷恒爲恒又爲恒貞爲貞敬爲敬佶爲仕之

類皆不改字論語欽事而信溫良恭儉遜商因於夏  
禮得見有常者孟子無辭遜之心培克在位則有責  
用下欽上則并改字矣然如行不篤敬事君敬其事  
之類仍不盡改蓋一時隨筆所作無義例也經文大  
率與今本同唯詩鴟鴞下尾脩脩竹竿遠兄弟父母  
園有桃不我知者謂我士也驕不我知者謂我士也  
罔極左傳焉用亡鄭以陪隣不闕秦焉取之少齊有  
寵而死武王有亂十人皆與開成刻同勝於它本孟  
子無唐以前石刻此碑內文王事混夷有小民之事

亦較今本爲善

清研堂金石文徵尾

宋自仁宗至和中刊石經于太學汴京失守悉遭淪陷高宗南渡宗社播遷而汲汲修表章六經之業嘗謂輔臣曰學寫字不如便寫經書不惟可以學字又得經書不忘于是親書諸經宣示從臣館職爲進詩歌諸州爲頒墨本而臨安太學悉命刊列廊廡至孝宗淳熙四年詔京尹趙礪老建閣于太學西北奉安石經御書扁曰光堯石經之閣而又益以七十二賢贊李伯時繪像并理宗道統贊附刻諸經之末宋祚旣亡太學廢爲西湖書院幾遭楊璉真伽之厄欲悉輦碑石以藝塔基賴廉訪申屠致遠之力阻而止明

初卽書院建仁和學其後改建府學徙仁和學于城隅貢院之址而石經亦昇致焉歲深零落踣卧草莽間至宣德元年侍御史吳訥收得百片置之大成殿後兩廡正德十三年監察御史宋廷佐移于府學櫺星門北之兩偏覆以周廊左右屋各二十二楹國初廊圯乃嵌壁中乾隆三十六年重修學宮增建廊屋而碑之嵌壁者益加完整計碑現存者左壁易二書七詩十中庸一論語七孟子十一左傳四十九理宗序四其實九十一碑吳訥所收百片之數殆舉成數而言而參攷朱熹尊經義考所謂書六詩十二左

傳四十八則又不合殆誤也

碧溪文集

按南宋石經諸書紀述言之詳矣然高宗書經之數諸說間有不同如秦檜記云親御翰墨盡書六經以及論語孟子左氏傳是論孟左傳之外先有六經而不詳晰其經名据玉海則紹興十三年十六年兩次出左傳十三年十四年兩次出尚書十三年出周易十四年出毛詩十六年出論語孟子是在紹興時先後出者易書詩左傳論孟六經與檜記之論孟左傳在六經外者不合以臆度之檜殆泛指六經非實數也玉海又載御書禮記五篇



不在太學石經之數淳熙四年趙磻老搜訪舊本  
重行摹勒以補禮經之闕旣云不在太學石經之  
數是太學原未嘗刻禮記五篇矣而又云搜訪舊  
本重摹補闕似乎別有石刻補入太學者則玉海  
所載語未甚晰也据石刻鋪敘言先書易書詩左  
傳全帙又節禮記五篇章草語孟悉送成均是易  
書詩左傳四經在前禮記語孟三經在後徵與玉  
海次叙不同而語孟是正行書非章草與今石本  
不同四朝聞見錄但言御書六經不晰言經名與  
檜記玉海俱不同續資治通鑑則又言高宗所書

九經石刻爲浮屠基數又不同又考新修杭州府志引錢塘縣志載紹興二年宋高宗御書孝經詩書左傳論語孟子禮記五篇諸家皆不言御書有孝經此有孝經而無易經必是孝經卽易經之訛且御書頒於紹興十三年非二年皆志誤也府志又引武林石刻記云春秋三十二碑書六易二詩十論語七孟子十一中庸一所載春秋尙書之數與今不同又引宣德年楊一清記云易二書七詩十春秋四十八論孟中庸十九今左傳亡其十六書經亡其一然則此碑在宣德年已有亡佚反不

及今存之多也經義考所載不同殆据傳說未嘗  
親見搨本其云通計八十七碑仍與今現存者合  
潛研堂所收祇七十七碑非全搨也然自玉海以  
下諸書皆不言當時刻石其若干碑今存八十七  
碑之外不知亡者實有幾何石刻鋪敘言卷末皆  
刊檜跋語似乎各經之末皆有檜記今惟見論語  
左傳二經然尙書中庸皆已見終卷未見檜記毛  
詩擇潛研跋有檜記此搨失之驟書亭集言秦檜  
一跋已爲吳訥樵碎今兩碑之跋儼然蓋訥所樵  
碎者乃宣聖及弟子贊之跋非石經也檜記作于

紹興十三年九月是年正月詔以錢塘縣西岳飛  
宅爲太學其宣示左傳在是年三月其出御書易  
書刊石頒諸州學在是年六月其以左傳語孟立  
石太學在十六年五月其建開奉安諸經在孝宗  
淳熙四年是紹興十三年六月但以刊石頒諸州  
學然檜記則已有得請刊石國子監頒其本編賜  
泮官之語是得請立石太學始於十三年至十六  
年漸次刻成要知此工非一年所能畢也經是高  
宗御書而四朝聞見錄言稍倦卽命憲聖續書憲  
聖者吳皇后也史傳載后頗知書博習書史善翰

墨寵遇日至由姚儀進貴妃紹興十三年立爲皇后而不詳其嘗讀書諸經李心傳建炎以來朝野雜記稱其讀書萬卷翰墨絕人潛說友咸淳臨安志載西湖石人嶺下時思薦福寺有后書金剛經石刻則后之書諸經理固宜然其書經之時亦在立后之前後也此碑爲乾隆壬寅之冬昶在武林修西湖志暇時躬詣府學周覽左右廊壁命工全搨以歸諦審數過惜其殘泐太甚其經文與前代石經及今行監本異同處皆不及詳攷姑就諸說之不同者辨而識之碑在紹興年諸州學皆有賜

本計當時惟拓不下數百十本迄今僅閱數百年  
海內州學固皆散佚無存卽金石藏弄家從不聞  
有宋搨流傳者使得見一木俾有全文可讀且可  
校板本之異同其欣快爲何如耶

### 蕪湖縣新學記

碑除額高五尺七寸廣四尺二十四行  
行四十六字正書篆額在蕪湖縣學

### 蕪湖縣新學記

學校者教化之官美俗善治由此出也三代聖王靡不  
尙之自一家一鄉一國上達王都無不立學故能薰蒸  
陶冶革易民情不自知而趨於善焉辟諸天地山川之

氣滲漉授灌無跡可尋而勾萌孚甲短長小大自生自植孰知亭毒之功哉 皇帝嗣位十有七年卽

行在所建國學收召英髦張官立師教養其中天下翕然知 上意之所嚮也八月上丁蕪湖縣釋奠于

先聖先師邑子鵠立棊布以陪祀事凡在位者百人童子不獲預升降駿奔之列而觀禮於旁者亦復稱是鄉人父老咸歎相禮之盛儀矩之肅雖承平無事之前有不逮及益知上之化下疾於影響也獨廊廡焚圯墻壁頽壞一室巋然丹堊漉漫生師無所舍禮器無所處視浮屠老子之宮彼非 朝廷尊崇無學士大夫歸

往其徒嚴奉廟貌儼若縣吏相尤以爲詬病非一日矣  
知縣事右承議郎楊援奮然出力知當任咎曰吾嘗儲  
材于某積財于某於此不用其將何如立召梓人匠師  
相與謀作室規範翬築先興萬杵雷動斤斲朽壤陶茅  
丹腹群工獻能疾於雉刈爲講堂齋官廊廡門闕凡四  
十楹繪從祀諸子於廡下又率縣僚邑子相與釋菜於  
是縣民上下始信學校爲教化之官而含齒戴髮之類  
不可一日亡學也屬筆於僕使爲之記因爲之言曰蕪  
湖地里不見於六經前漢尙爲東諸侯之國後漢封蕪  
湖侯始見於書晉元帝南渡之後蕪湖名字班班見於



書矣明帝討王敦陰察其營壘帝紀地里志皆以爲于湖世俗訛而爲湖陰至唐隸宣之當塗本朝太平興國中以當塗爲州遂爲屬縣前人故蹟則晉明帝留鞭之地王敦之故壘溫太真李太白之所經行也餘烈遺臭歷歷可考宜其學士大夫之盛與後來之秀甲於他縣然而學之源委要在知正堯舜禹湯文武周孔之宗學之正統也孟子旣沒諸子百家蠡起學者無以折衷之刑名爲申商縱衡爲儀秦清淨爲黃老寂滅爲浮屠去聖人益遠一時名公卿又各以其所好尙取堯舜禹湯文武周孔之名緣飾申商儀秦黃老浮屠之實標的一

立涇墓紛然動數十百年未易刮濯是以聖人之學益  
展泯而不著見三代事功亦不見於後世也大哉

吾君之訓曰學者當以孔孟爲師嗚呼非堯舜文王爲  
他道捨此將安之邪學旣立矣諸君肄業於此游息於  
此苟能造次顛沛不忘 大訓而求孔孟之宗僕未

老也尙能見此縣英髦俊造之士彰明先聖人之道發  
爲事功於天下尙不負縣大夫所以建立學宮之意諸  
君勉之僕非敢勵諸君也亦自勵也紹興十三年歲次  
癸亥十二月十日左廸功郎縣尉陳長方記并書丹

右廸功郎主簿章東篆額

右從政郎縣丞錢世忠立石

龍骨塔銘

碑連額高三尺五寸廣二尺五寸十二行  
行十七字連額重正書在襄城縣福嚴寺

隱庵修信述

右口職郎游國佐題額

金華老僧嚴公於所居後洞獲龍牙角各雙并大骨類  
若乎頰頰鰓鰓者十數枚其昔夢巨人綰衣告曰此山  
神龍所依樵牧觸穢龍且去矣今德人泄吾境山復清  
紫龍當還來此其蛻口口之吉祥嚴公異之乃卽祠旁  
大磐石上累甃爲浮圖盡取其牙角骨等藏焉是歲紹

興甲子三月也銘曰

邇神龍兮去何之蛻靈骨兮見於斯巨人夢兮審前知  
休徵告兮豈吾欺建浮圖兮澗之湄固磐石兮磨厓巖  
德人粒兮境毋嚙嗟若龍兮歸何時

按陝西通志福嚴寺在褒城縣西南九十里卽金  
華寺寺前有仙人真身洞并龍骨塔銘卽此碑也  
老僧嚴公通志作嚴公甲子爲紹興十四年

勅封廣惠侯誥

碑連額高六尺二寸廣三尺五寸作三層書上二層  
勅旨共十五行行九字七字不等下層除首幹緣市  
戶錢雙行小字另列外十九行  
行十三字行書篆額在深水縣

勅建康府溧水縣正顯廟神惟神夙著惠政懷于一方  
遺愛流傳廟食殊久凡雨暘之所禱皆響應而威通功  
既及民可無褒典錫茲美號寵以侯封永孚靈休副我  
顯渥可特封廣惠侯奉

勅如右牒到奉行

紹興十七年六月二十二日

告廣惠侯奉

勅如右符到奉行

紹興十七年六月二十四日下

人皆知作善於顯明之中者必獲陰祐殊不知陰德

橫被於民者亦有陽報惟 侯惠政在人尸祝之敬

肇口有口迨及

我朱

靈休益顯升聞于

下

命書鼎來邑人歡喜踴躍思口

聖訓用彰

侯

德既刻堅珉且屬衡爲之詞衡嘗謂神人本一心幽顯無二道非悟釋氏卽色卽空達蒙莊口而不言之說者未易語此後之口茲邑者心存是道而盡力於民庶被 賢侯可以無愧軌道三年歲在丁亥春正月庚子朔左口奉郎知建康府溧水縣主管學事勸農營田公事兼兵馬都監無主管圩田賜緋魚袋李衡謹書

幹緣市戶錢口朱抃吳升李安柴口口口張彥陳  
貴鐘元翟思慶朱全吳四六尹口口 潘壽隆刊

金石萃編卷一百四十八終

金石萃編卷一百四十九

賜進士出身 誥授光祿大夫刑部右侍郎加七級王昶撰

宋 二十七

李龍眠畫宣聖及七十二弟子像贊

像共十五石各橫廣五尺六分高一尺五寸每石五  
像或六像四言贊八句第一石宣聖贊十二句並五  
書在杭  
州府學

高宗御製并書

朕自睦隣息兵首開學校教養多士以遂忠良繼率太  
學延見諸生濟濟在庭意甚嘉之因作 文宣王贊  
機政餘閒歷取顏回而下七十二人亦爲製贊用廣



列聖崇儒右文之聲復知師弟子閒纓弁森森覃  
精釋思之訓其於治道心庶幾焉

孔丘字仲尼魯人開元廿七年制追謚爲文宣王

大哉聖宣 斯文在茲 帝王之式 古今之師

志則春秋 道由忠恕 賢於堯舜 日月其譽

維時載雍 戢此武功 肅昭盛儀 海寓聿崇

顏回字子淵魯人贈充公

德行首科 顯冠學徒 不遷不貳 樂道以居

食埃甚忠 在陋自如 且稱賢哉 豈止不愚

閔損字子騫魯人贈費侯

天經地義 孝哉閔騫 父母昆弟 莫閒其言

汙君不仕 志氣軒軒 復我汶上 出處休焉

冉雍字仲弓魯人贈薛侯

懿德賢行 有一則尊 子也履之 成性存存

駢角有用 犁牛莫論 刑政之言 惠施元元

冉耕字伯牛魯人贈鄆侯

德以充性 行以澡身 二事在躬 日躋而新

並聖賢科 得顏與隣 不幸斯疾 命也莫伸

冉求字子有魯人贈徐侯

循良之要 在於有政 可使爲宰 千室百乘

師門育材 治心扶性 退則進之 琢磨之柄

言偃字子游吳人贈吳侯

道義正己 文學擅科 爲宰武城 聊以弦歌

割雞之試 牛刀謂何 前言戲尔 博約則多

宰予字子我魯人贈齊侯

辯以飾詐 言以致文 苟弗執禮 且莫釋紛

朽木糞牆 置不足言 言語之科 驟然有聞

仲由字子路卞人贈衛侯

升堂惟光 干乘惟權 陵暴知非 委質可賢

折獄言簡 結縷禮全 惡言不耳 仲丘賴焉

端木賜字子貢衛人贈黎侯

謙德知二 器實瑚璉 動必幾先 孰並其辯

一使存魯 五國有變 終相其主 譽處悠遠

卜商字子夏衛人贈魏侯

文學之目 名重一時 爲君子儒 作魏侯師

不可後禮 始可言詩 假蓋小嫌 聖亦不疵

林放字子丘魯人贈清河伯

禮之有本 子能啓問 大哉斯言 光昭明訓

德輝泰山 誣祭莫奮 崇茲祀典 盍永令聞

樊須字子遲齊人贈樊伯

養才以道 聖人兼濟 始謂不仁 問鮑良喜  
寓志農圃 似睽仁義 學稼之辭 豈姑捨是  
澹臺滅明字子羽武城人贈江伯

惟子有道 天與異容 狀雖云惡 德則其豐  
南止江淹 學者雲從 取士自茲 貌或非公  
曾參字子輿南武城人贈郈伯

夫孝要道 周訓群生 以綱百行 以通神明  
因子侍師 荅問成經 事親之實 代爲儀刑  
公冶長字子長齊人贈莒伯

子長宏度 高出倫輩 雖在縲紲 知非其罪

純德備行 夫子所采 以子妻之 尤知英槩

公西赤字子上魯人贈祝阿伯

猗尔子上 魯邦之望 以德則貴 惟道是唱

師聰師明 友直友諒 伯於祝阿 儒風斯暢

原憲字子思魯人贈原伯

軾彼窮閭 達士所賓 邦無道穀 進退孰倫

敝衣非病 無財乃貧 賜雖不懌 清節照人

有若字子有魯人贈卞伯

人稟秀德 氣貌或同 而子儼然 溫溫其容

兩端族問 未荅機鋒 以禮節和 斯言可宗

鄭國字子徒魯人贈蔡陽伯

伯夫蔡陽 實惟令德 優入聖門 過不留跡

道以目傳 妙則心識 倚歎偉歎 後代之則

商澤字子季魯人贈睢陽伯

逸矣子季 睢陽是伯 屏息受業 延教登席

未踐四科 困涉六籍 祀典載之 好是正直

秦非字子之魯人贈汧陽伯

樂善垢士 伯于汧陽 傳道克正 垂名允臧

執德以洪 用心必剛 表廣業履 式贊素王

曾蒧字垢魯人贈宿伯

惟時義方 有子誠孝 怡怡聖域 俱膺是道  
暮春舞雩 詠歌至教 師故與之 和悅且召  
巫馬施字子旗魯人贈鄆伯

天清日明 密雨曷有 師命持蓋 子亦善扣  
惟夫子博 三才允究 學者之樂 所得遂茂  
公指哀字季次齊人贈鄆伯

周襄僞隆 政在群公 廉恥道微 家臣聿崇  
不爲屈卽 撝默自容 子於是時 凜然清風  
漆雕徒父字子期魯人贈須句伯

遐想子期 挾策聖帷 涉道是嗜 惟士可縻



在德既賢 在名迺垂 洋洋之風 逮今四馳  
顧孫師字子張陳人贈陳伯

念昔顧孫 商德與隣 學以干祿 問以書紳  
參前倚衡 忠信是遵 色取行違 作戒後人  
高柴字子羔衛人贈其伯

婉彼子羔 受業先聖 宗廟之間 一出乎正  
克薦於孝 非愚乃令 師知其生 有輝賢行  
榮旂字子祺魯人贈雩婁伯

伯茲雩婁 務學實著 三千之位 七十是預  
匪善莫行 惟德乃據 紀于前書 式彰展譽

秦祖字子南秦人贈少梁伯

秦有子南 蜚聲述作 守道之淵 成德之博

範若鑄金 契猶蒞藥 歷世明祀 少梁寵爵

陳亢字子禽陳人贈穎伯

惟禽之問 從容其鯉 求以異聞 詩禮云爾

請一得三 誠退而喜 且知將聖 不私其子

梁鱣字林魚齊人贈梁伯

室家壯年 無子則逐 見於信史 全齊之俗

原本朕初 師言可復 以學則知 揆之宜薦

母孺字子魯魯人贈紀伯

紀伯子箴 聖學是務 厲己斯的 好問乃裕  
周旋中規 容止可度 允矣昔賢 後世所慕  
顏之僕字牀魯人贈東武伯

賢行顏牀 親承尼父 志欽所期 道尊是輔  
泥在釣陶 木就規矩 終縻好爵 揚名東武  
石作蜀字子明秦人贈石邑伯

在昔石邑 能知所尊 懋依有德 克述無言  
鼓篴槐市 揚名里門 此道久視 彼美長存  
顏高字子騫魯人贈琅琊伯

琅耶之伯 其惟子騫 微言旣彰 德音孔昭

已觀雩舞 同聽齊韶 應千百禩 跋想高標  
邽巽字子斂魯人贈平陸伯

彼美邽子 先聖是承 埒仞已及 堂陛將升  
良玉斯琢 寒水必冰 錫壤平陸 茂實騫騰  
任不齊字選楚人贈任城伯

任城建伯 其表曰選 泚問雅馳 才華清遠  
競展力行 愛日黽勉 孔教崇崇 令緒顯顯  
顏無繇字路魯人贈杞伯

人誰無子 尔嗣標奇 行爲世範 學爲人師  
請車誠非 顧匪其私 千載之下 足以示慈

曹卹字子循蔡人贈曹伯

肅肅曹伯 王室之裔 積習樂道 切瑳明義

惟善則主 尔德是類 史筆有煥 令名永紀

縣成字子祺魯人贈鉅野伯

至聖立教 子祺安雅 擅譽魯邦 啓祚鉅野

煒矣風猷 時哉用捨 出倫離類 後學是假

顏曾字子聲魯人贈朱虛伯

褒錫朱虛 在器輪輿 儒室振領 聖門曳裾

賢業得蘊 美材以據 百世不刊 載觀成書

孔忠字子蔑魯人贈汶陽伯

惟子挺生 道德之門 佩服至論 鯉則弟昆  
三得三亡 所問殊溫 君子歸宓 義不掩恩  
狄黑字哲衛人贈臨濟伯  
仰止狄哲 抱負淵通 游泳德化 揚厲素風  
偉識旣異 持教乃隆 厥志茂焉 志祀無窮  
漆雕哆字子敏魯人贈武城伯

子敏受封 爰居武城 臺臺其間 翩翩其英  
握衣時習 領學日明 誕敷孔教 爵里疏榮  
申張字子續魯人贈魯伯

剛毅近仁 志操莫渝 性匪祝鮒 面豈子都

有一於此 剛名可圖 云慾則柔 蓋生之徒  
壤駟赤字子徒秦人贈北微伯

式是壤伯 昭乎聖徒 執經請益 載道若無  
詩書規矩 學問楷模 得時而駕 領袖諸儒  
施之常字子恒魯人贈乘氏伯

開國乘氏 有德斯彰 叅稽百行 賁理三綱  
自拔行閒 榮名甚光 在史藹藹 厯久弥芳  
公祖句茲字子之魯人贈期思伯

惟彼子之 錫伯期思 與賢並進 得聖而師  
彬彬雅道 翼翼令儀 上目至言 廟食不隳

伯虔字子折魯人贈聊伯

有懷子折 全魯之彥 儒行旣名 聊伯乃建

薙歟受道 弈弈我弁 懿選嘉訪 世享馨薦

南宮括字子容魯人贈郊伯

先覺旣位 簪履並馳 尙德君子 尔乃兼之

羿羿可慚 禹稷可師 三復此道 載觀白圭

公孫龍字子石楚人贈黃伯

黃伯著記 公孫是云 弥縫中道 協輔斯文

歲修方異 漸漬其勤 史詞不忘 播爲清芬

廉絜字庸衛人贈莒父伯



兄弟之邦 士有廉庸 涵泳素教 表揭儒宗  
杏壇探賸 洙泗從容 作興一時 莒父其封  
林仲會字子期魯人贈瑕丘伯

瑕丘祚邑 子期是爲 親訓有日 廣業于時  
四教允隆 五常以持 比肩俊傑 閱望斯垂  
商瞿字子木魯人贈蒙伯

易之爲書 彌合天地 五十乃學 師則有是  
子能受授 洗心傳世 知機其神 宜被厥祀  
司馬耕字子牛宋人贈向伯

手足甚親 志異出處 雖將爲亂 子廼脫去

在汚能絜 危而有慮 內省若斯 何憂何懼

蘧瑗字伯玉衛人贈衛伯

有衛伯玉 夫子與居 寡過未能 荐贊使乎

以屍諫君 友則史魚 果得進賢 爛然商書

公西赤字子華魯人贈郈伯

學者行道 敝緼亦稱 使齊光華 偶爲肥輕

周急之言 君子所令 荅問允嚴 理皆先經

公伯僚字子周魯人贈任伯

人有賢否 道有廢興 子如命何 營營震驚

季孫雖惑 景伯莫平 師資一言 秩祀亦懲

漆雕開字子開魯人贈滕伯

仕進之道 要在究習 具臣而居 咎欲誰執

斯未能信 謙以有立 關里說之 多士莫及

密不齊字子賤魯人贈單伯

君子若人 單父之政 引肘寤君 放魚稟令

傳郭勿穫 遂能制命 百代理邑 用規觀聽

燕伋字思秦人贈漁陽伯

師席高振 大成是集 至道克傳 賢達斯執

善道云表 儒風可立 漁陽之士 得跋而及

申黨字周魯人贈邵陵伯

伋伋申周 四科與儔 逸駕文囿 鼓枻儒流  
冠佩既燕 言動允休 邵陵得封 可想清修  
琴牢字子開 衛人贈南陵伯

多能鄙事 聖人曲意 惟其知之 是以不試  
宗魯雖友 弔必以義 尙師嘉言 祀亦罔替  
秦商字子丕 楚人贈上洛伯

孔父秦父 相尙以力 俱生賢嗣 相與以德  
是父是子 致詰疇克 會弁儒林 令名無極  
少林乘字子車 齊人贈淳于伯

勉勉子車 封邑淳子 親炙避席 唯諾趨隅

發微旣博 雅道是扶 抑可尙也 不亦美乎

顏宰字子柳魯人贈蕭伯

孰封于蕭 實惟子柳 夙飫格言 克遵善誘

明德斯馨 賢業所就 以侑於儒 傳芳邇茂

奚容蒧字子指魯人贈下邳伯

難容子指 已望堂室 幼則有造 成則祖述

文采日化 儒効力弼 永觀朕成 德音秩秩

冉季字子產魯人贈東平伯

東平子產 性著盛時 奉師於塾 講道之微

荅問其敏 婉妙以思 升降陞康 尙想英姿

后處字子里齊人贈營丘伯

溫溫子里 入聞至聖 擇道之華 秉德之柄

深造閭域 不乖言行 全齊之封 竹素爲盛

左人郢字行魯人贈臨淄伯

伯彼臨淄 左行稱賢 踰蹤十摺 秀穎三千

心悅誠服 家至戶傳 樂只君子 文聲益宣

秦冉字開蔡人贈彭衙伯

彭衙高士 經籍是親 贊成德藝 協於彝倫

砥績聖道 斯肖素臣 優哉游哉 學以致身

樂欬字子聲贈昌平伯

樂氏子聲 錫爵昌平 信道之薦 見善乃明

引領高節 載惟思誠 先賢聿集 出爲時英

右宣聖及七十二弟子贊宋高宗製并書其像則李  
龍眠磨所畫也高宗南渡建行宮于杭紹興十四年  
正月始卽岳飛第作太學三月臨幸首製先聖贊後  
自顏淵而下亦譏辭以致褒崇之意二十六年十二  
月刻石于學附以太師尙書左僕射同中書門下平  
章事兼樞密使秦檜記檜之言有曰孔聖以儒道設  
教弟子皆無邪雜背違於儒道者今指紳之習或未  
純乎儒術顧馳狙詐權譎之說以僥倖於功利其意

蓋爲當時言恢復者發也嗚呼靖康之禍二帝蒙塵  
汴都淪覆當時臣子正宜枕干嘗膽以圖恢復而檜  
力主和議攘斥衆謀盡指一時忠義之言爲狙詐權  
譎之論先儒朱熹謂其倡邪說以誤國挾虜勢以要  
君其罪上通于天萬死不足以贖者是也昔龜山楊  
先生時嘗建議罷王安石孔廟配享識者避之訥一  
介書生幸際 聖明備員風紀茲於仁和縣學得  
觀石刻見檜之記尙與圖贊並存因命磨去其文庶  
使邪說之說姦穢之名不得廁于聖賢圖像之後然  
念流傳已久謹用備識俾後覽者得有所考云



宣德二年歲在丁未秋七月朔巡按浙江監察御史  
海虞吳訥識

教諭林賢訓導劉數摹勒于石

右孔子并七十二弟子像上有宋高宗贊附以尙書  
左僕射同中書門下平章事秦檜記不知何人書檜  
所謂搢紳之習或未純乎儒術顧馳騁狙詐權譎之  
說以微幸於功利蓋指當時言恢復者皆齊襄公復  
九世之讎春秋大之則夫言恢復者未必與孔子異  
意也詎可一切以功利目之乎檜作此記時距其卒  
僅七十六日其罔上誣民之心至死而不已也今其

說猶與圖贊並存口口出之以俟覽者詳焉金華黃晉卿跋

右宣聖及七十二子像贊史記載孔子之言曰受業

身通者七十有七人其姓名具于列傳家語所載亦

七十七人無公伯僚秦冉郭單而有琴牢陳亢縣夏

惟文翁禮殿圖作七十二人而圖亦罕傳林放蓬發

二人史記家語不載而禮殿圖有之其它不可知矣

攷舊唐書禮儀志載開元二十七年制贈公者一人

侯九人伯六十七人與史記七十七人之數合然杜

氏通典載諸賢封號則贈伯者實七十二人文獻通考云通

典所載除十哲外自計七十三人係增入蓬發林放陳亢申張琴牢琴張六人按琴牢琴張本一人通典

於琴張云贈南陵伯於琴牢但  
云贈伯而無地名蓋重出也  
蓋十哲之外別有七

十二賢兼史記家語禮殿圖所互見者而數之也宋  
大中祥符二年追封閔子以下九人爲公曾子而下  
六十二人爲侯并兗國公爲七十二弟子大觀二年  
追封公夏守等十人侯爵預祀典則仍別七十二賢  
于十哲之外矣思陵撰七十二子贊較之祥符所追  
封多廉潔秦商后處樂欬少公良孺勾井疆顏何公  
西輿如不知又何所據諸賢在宋時已經加封而所  
書仍唐之爵號朱文公嘗言之矣夫治國固有緩急  
思陵偏安兩浙稱臣于仇讐正復崇儒重道亦何足

掩不孝之名則數典而忘祖又在所不足責而如秦  
檜之姦邪無學亦豈能援引典故以證人主之誤哉  
碑立于紹興二十六年十二月明宣德二年巡按浙  
江監察御史吳訥磨去檜跋自爲文識其本末

潛研堂金

石文  
跋尾

七十二弟子姓氏爵里異曰攷

顏回字子淵魯人贈充公

閔損字子騫魯人贈費侯

冉雍字仲弓魯人贈薛侯

冉耕字伯牛魯人贈鄆侯

冉求字子有魯人贈徐侯

言偃字子游吳人家語作魯人贈吳侯

宰予字子我魯人贈齊侯

仲由字子路卞人贈衛侯大中祥符曲阜孔廟碑作魏侯

端木賜字子貢衛人贈黎侯

卜商字子夏衛人贈魏侯咸淳臨安志作衛侯

林放字子邱朱彝尊弟子考不言其字魯人贈清河伯

樊須字子遲齊人本史記鄭康成注家語作魯人朱考同贈樊伯朱考作凡

伯

澹臺滅明字子羽武城人贈江伯

曾參字子與南武城人

曲阜碑作魯人

贈郈伯

公冶長

家語云名萇范甯云名芝

字子長

曲阜碑作子之

齊人

本史記家語作魯人

同朱考

公西蒧

家語作公西與

字子上魯人贈祝阿伯

史記有二公西與

如字子上曰公西蒧字子上曲阜碑亦有二人公西與字子上齊人贈重邱伯公西蒧字子上魯人贈

祝阿伯朱考亦有二人公西與如字子上齊人贈重邱伯公西蒧字子上魯人贈祝阿伯

原憲字子思魯人

本史記鄭注家語作宋人朱考同

贈原伯

有若字子有魯人贈卞伯

曲阜碑作卞伯

鄭國

本史記李錯尚史云家語薛邦字子從以史記誤薛為鄭避漢諱邦作國

字子徒魯

人朱考不詳里居贈榮陽伯

商澤字子季

家語作子季魯人贈睢陽伯秀朱考同

秦非字子之魯人

曲阜碑作秦人贈汧陽伯

曾蒧

曲阜碑作點

字皙

曲阜碑字子皙朱考同

魯人

朱考作魯南武人

贈宿

伯

巫馬施字子旗

本史記家語作子期曲阜碑朱考並同

魯人

本史記鄭注朱考作

陳人贈鄆伯

公皙哀

家語作公皙克

字季次齊人

家語作魯人

贈鄆伯

曲阜碑作杞伯

漆雕徒父

家語作從父

字子期

家語作子文文史記鄭注作子有朱考云字子文或

云字魯人

詳里居

孫師字子張陳人贈陳伯

高柴字子羔

史記作子皋

衛人

本史記鄭注家語作齊人朱考云齊人為衛工師

贈共伯

榮旂

家語作祈

字子祺

家語作子顏

魯人贈雩婁伯

秦祖字子南秦人贈少梁伯

曲阜碑無少字咸淳臨安志作沙梁伯

陳亢字子禽

家語又云字子亢

陳人贈穎伯

說文云論語有陳亢

梁鱣

史記云一作梁鯉咸淳志云梁仲一云鱣

字叔魚

曲阜碑字子魚咸淳志云字子免一

云叔魚

齊人贈梁伯

朱考云贈趙伯

冉孺

曲阜碑作孺

字子魯

家語作子魚史記云一作子魯洪适隸續作子魯

魯人

贈紀伯

顏之僕字叔

家語曲阜碑朱考俱作子叔

魯人贈東武伯



石作蜀

家語作子蜀

字子明秦人

史記鄭注作成紀人朱考不詳里居

贈石

邑伯

顏高

家語名產今本家語作顏刻

字子驕魯人贈琅琊伯

邾巽

尚史作邾選注云文翁圖作國選蓋亦避漢諱改之劉氏作邾巽

字子歛

家語作子

飲魯人贈平陸伯

任不齊字選

家語曲阜碑朱考並作子選

楚人贈任城伯

顏無繇字路

曲阜碑作子路朱考作季路

魯人贈杞伯

曹卣字子循蔡人贈曹伯

曲阜碑作魯伯

縣成字子祺

本史記家語作子橫隸續作子期

顏喟字子聲魯人贈朱虛伯

孔忠

家語作孔弗子兄孟皮之子

字子茂魯人贈汶陽伯

狄黑字皙

家語作皙之曲阜碑朱考俱作子皙衛人

曲阜碑作魯人

漆雕哆字子歛

曲阜碑朱考俱作子歛

魯人贈武城伯

申棖字子績魯人贈魯伯

咸淳志贈阿伯

壤駟赤字子徒

家語作子從

秦人贈北微伯

曲阜碑作微伯朱考作

北衛伯

施之常字子恒

家語作子常

魯人贈乘氏伯

公祖句茲

家語作公祖茲

字子之魯人贈期思伯

伯虔

家語作伯虔

字子析

家語作子析曲阜碑作子皙

魯人贈聊伯

咸淳

志作

南公括

本史記家語曲阜碑朱考俱作南宮縚咸淳志作迨

字子容魯人贈郊

伯

公孫龍

家語作龍

字子石楚人

本史記鄭注孟子注作趙人家語作衛人

贈黃

伯

廉絜

朱考作廉潔

字庸

家語作子曹咸淳志未考俱作子庸

衛人贈莒父伯

叔仲會字子期魯人

本家語史記作晉人

贈瑕邱伯

商瞿字子木魯人贈蒙伯

司馬耕

家語作司馬黎耕

字子牛

咸淳志云字牛

宋人贈向伯

蓬瑗字伯玉魯人

曲阜碑作衛人

贈衛伯

朱考不列姓名謂孔子嚴事之友不

復著錄恐滋後學之惑也

公西赤字子華魯人贈邵伯

公伯僚

史記作公伯縵或云即申繹曲阜碑咸淳志俱作寮

字子周魯人贈任

伯

漆雕開字子開

本史記家語曲阜碑朱考俱作子若

魯人

本史記鄭注家語曲阜碑

朱考俱作蔡人贈滕伯

密不齊字子賤魯人贈單伯

燕伋

家語字思

家語曲阜碑朱考俱作子思

秦人

朱考不詳里居贈漁陽

伯

申黨

本史記曲阜碑同家語作申續或作續史記正義云或作棠即申棖朱考亦作棠

字周

家語曲阜碑

魯人

朱考不詳里居贈邵陵伯

按前有申棖字子續此云申黨

字周家語但有申續字子周而無申棧續云申棧史記作申棠家語作申續然則申棧申棠子續子周實皆一人矣又按後漢王政碑云有羔羊之絮無申棠之欲是亦申棠即申棧之證

琴牢字子開家語云一衛人贈南陵伯

秦商字子丕本史記家語作丕茲楚人本史記鄭注家語

步叔乘本家語史記廣韻注字子車齊人贈淳于伯作少叔乘朱考從之

顏幸字子柳魯人贈蕭伯朱考作蕃伯

奚容蒧家語作蒧字子皙家語作皙魯人史記正義作衛人

冉季字子產魯人贈東平伯

后處家語作石處字子里家語作里之齊人贈營邱伯

左人郢家語作左郢字行家語朱考俱作子行曲阜碑作子衡魯人贈臨淄

伯

秦冉字開

曲阜碑朱考  
俱作子開

蔡人

朱考不詳里居

贈彭衙伯

樂欬

家語作樂欣

字子聲

碑不詳里居史記正義朱考俱作魯人

正

右弟子七十二人家語無林放鄭國蘧瑗公伯僚

秦冉申根六人而有公良孺罕父黑薛邾縣亶原

抗公肩公夏守句井疆顏相九人又公西蒧之外

多公西與如一人又史記有顏何字冉素隱引家

語字稱史記康成注晉人曲阜碑有顏何字子冉

魯人贈開陽伯又曲阜碑有公良孺字子幼魯人

贈東牟伯句井疆字子野衛人贈漢陽伯

按此碑十五石像贊俱橫列像右贊左宋時與石經同在大學明正德年與石經同移於仁和縣學後移杭州府學 大清順治九年歲在壬辰十月朔杭州府儒學教授西荅王元宰捐資重立葢豎固輯有題記在吳訥跋後至今不遭損蝕者皆元宰之功也像爲李公麟畫史傳稱公麟字伯時舒州人第進士歷泗州錄事叅軍用陸佃薦爲中書門下後省刪定官御史檢法元符三年病痺致仕旣歸老肆意於龍眠山巖壑雅善畫黃庭堅謂其風流不減古人然因畫爲累此碑吳訥跋所云李

龍眠摩所畫龍眠是其自號摩則單舉其名一字而省其公字也公麟致仕於元符三年則當卒于徽宗之世距高宗題贊刻石不過五十餘年殆由畫像流傳江南高宗得而製贊以刻石也然高宗製贊並不言及公麟之畫或其語在秦檜記中今檜記磨去不可知矣像祇七十二人每像所題贈爵皆仍唐開元之舊則宜依唐封七十七人之數而乃少五人且又與真宗祥符製贊立石曲阜之數不合誠不能明其故也孔子弟子見於諸書者上自史記家語禮殿圖通典通考其製贊立石者



先有真宗曲阜孔廟碑而此碑之見於紀載者有  
咸淳臨安志及杭州府志然其姓名字里贈爵皆  
各有不同今悉取而叅攷之別爲同異考一篇附  
于諸書碑跋之後大抵諸書所載不能無傳寫之  
訛曲阜碑雖係石刻亦明人重摹此碑或亦不免  
沿襲傳誤皆不能定其孰是也龍眠畫世有摹本  
細筆鈎勒裴成卷子矜爲真蹟細玩之似皆從此  
碑摹出者此碑在當時或從真蹟鈎摹或徑用真  
蹟上石皆不可知樂欽贊後有御書之寶并勒于  
石而不署年月吳訥所云二十六年十二月者殆

亦在檜記中也

妙喜泉銘

碑高一丈三尺廣五尺三寸十二行前銘九行行二  
十四字後偈三行行四十字行書在鄞縣河育王寺  
常住田  
碑陰

育王爲浙東大道場地高無水僧衆苦之紹興丙子佛  
日禪師杲公受請住持周旋其間命僧廣恭穿穴茲地  
爲一大池鍬鍤一施飛泉溢涌知州事姜公私監見而  
異之名曰妙喜無垢居士爲之銘曰

心外無泉泉外無心是心卽泉是泉卽心或者疑之以  
問居士心在妙喜泉是育王云何不察合而爲一居士

曰來汝其聽取妙喜未來泉在何處妙喜來止泉卽發  
生心非泉乎泉非心乎謂余未然妙喜其笑之

紹興丁丑三月丙寅無垢居士張九成書

妙喜老僧宗杲重說偈曰

謂泉卽心謂心卽泉無垢居士作一弗穿有出有入有  
正有偏居士怎麼妙喜不然徐六檐板如見一邊泉只  
是泉難喚作心心只是心決之非泉是義不正亦復不  
偏泉乎心乎亦非棄捐擬議思量十萬八千

山門監寺僧善卿立石

右妙喜泉銘張無垢撰後有宗杲說偈一首皆無垢

普也宗杲說法徑山無垢數與往來嘗論大學格物  
杲曰公祇知有格物不知有物格無垢言下有悟因  
題不動軒壁曰子韶格物妙喜物格欲識一貫兩箇  
五百杲深許可秦檜恐其議已令司諫詹大方論劾  
竄杲衡陽安置張於南安軍檜死乃復杲師號住四  
明育王寺而張亦起知温州此泉正宗杲在育王所  
鑿也杲少爲無盡居士張天覺所知名其庵曰妙喜  
遂以妙喜自號孝宗嘗書妙喜庵三字賜之故茲泉  
亦有妙喜之目碑刻於唐范的書常住田碑之陰

潛研

堂金石  
文跋尾

金華集卷之二十四  
按碑書於丁丑三月爲紹興二十七年宗杲與張  
九成以禪學相契合徑山志載宗杲寄無垢居士  
一絕云上苑玉池方解凍人間楊柳又垂春山堂  
盡日焚香坐常憶毘邪杜口人

### 亦樂堂銘

石橫廣四尺四寸五分高二尺二寸二  
十二行行十字正書在零陵縣朝陽岩

### 亦樂堂銘

揚雄有言朱丹其轂一敗則赤吾族孔子曰雖在縲紲  
之中非其辜也夫丹轂榮也雄曰爲憂縲紲辱也聖道  
有取憂樂豈關於榮辱也哉上饒方疇耕道建炎戊申

銓同季進士也。累興戊午，又同朝。是季冬，銓曰：「狂瞽被譴而耕道，旋亦去國。十有四季而通守，忝聞平谿蠻三十季之寇。乙亥，目眊直忤要臣，被逮。賴上恩寬請，零陵久之，名其堂曰「亦樂」。禮部侍郎張公子韶記之。戊口口，廬陵胡銓感仲尼子雲之言而申目銘銘曰：

轂丹族赤縲，綆不辱陋巷。易安鬼瞰高屋，蔽補食前患。靡覆餗，眉斧伐性妙口。獨宿熟哲，茲理至樂。常口我恩，古人自反而縮。

按此銘胡銓所作，不見於潛庵文集。周必大撰忠簡公神道碑，稱公年二十試太學，建炎二年廷對。

行在所考官初以冠多士或畏其切直寘第五卽  
碑所云建炎戊申銓同年進士也戊申爲建炎二  
年紹興和議公上書數千言大略謂王倫誘致金  
使欲劉豫我秦檜腹心大臣尊陛下爲石晉孫近  
傳會遂參政事願竿三人頭羈留金使與問罪之  
師時八年十一月也辛亥有旨銓書凶悖劫持其  
削籍流昭州後改監廣州都鹽倉卽碑所云紹興  
戊午冬銓以狂瞽被譴也方疇史無傳張子韶名  
九成除浙東提刑力辭與祠以歸未幾召除宗正  
少卿權禮部侍郎碑書紹作聚別體字戊口口歲

上文耕道以乙亥被逮則此當是戊寅為紹興二十八年

澗山普光王寺捨田碑

碑高三尺許廣二尺四寸分上下二截上截又分三  
格橫列號田畝數左右下橫刻所至處下截刻捨田  
諸田一通文廿五行行廿三四字不等額題吳興沈  
君孫田號七字並正書在青浦縣澗山會靈三姑廟  
殿左壁與會靈廟記碑兩  
昔相合此碑橫外東向

係三十五號田一十七畝三角五步 草蕩 此在第三格

係三十四號田計八十畝三角五步 此在第二格

係三十三號田一百五畝三角二十步 此在第三格

西至竟浦 此在第一二格之間左邊一行



東至口

此在第一二格之間右邊一行

水漫

此在第三格左邊一行

史伯成田

此在第三格右邊一行

北至水漫

此在第三格下橫以上俱上一行

拾出入

殿山普光王寺常住情旨

承節郎沈從言謹封

南磨部洲大宋國平江府崑山縣泖川鄉大石浦西居

住清信奉三寶弟子承節郎沈從言同男將仕郎履息

婦高氏四六娘陳氏五十四娘陳氏廿一娘吉氏四八

娘孫男右修職郎起宗將仕郎佐才將仕郎作德承信

郎作義將仕郎林宗作霖希旦嗣宗朝宗儒宗希召作  
伴錢氏廿二娘方氏十四娘與闔家眷屬等

右從言所伸情旨二月十六日恭值

先妣太君朱氏遠諱之辰特發誠心謹將本家產田式  
伯肆畝一角三十步其田係在秀州華亭縣修竹鄉四  
十三都坐落所有坵片字號涓段並在契約該說其田  
今將捨入

澱山普光王寺常住永充供贍俾僧行齋粥香火焚修  
所得功德先用報答

四恩三有莊嚴

無上佛果菩提次冀報荐

亡太翁十二承事太婆鍾氏夫人亡翁廿五承事婆呂氏夫人亡考三承事妣朱氏太君劉氏顏氏太君亡兄十一承事大承事嫂邵氏太君亡妻周氏太君亡男廿三司戶廿五縣尉廿八承信三十承信亡女二十娘子廿五娘子息婦吉氏三九娘子鄭氏九九娘子亡沈氏六娘子曹氏十一娘子冀氏六娘子盡

門中前亡後化一嗣宗親各願同乘巨善俱遂超升不入輪迴徑歸極樂然後保祐門闥益秀物業榮昌子孫傳積慶之風眷愛納自天之祐以至法界有情同霑斯

利從言恭對

金僊敷宣謹疏

紹興式拾捌年二月

日承節郎沈從言押疏

頭首智肱 定行 知事惠生 有平 道詮

住持傳法道智立石

以上俱  
下一截

按此碑額題吳興沈氏捨田疏捨田者爲沈從言  
住崑山縣額稱吳興者其望也碑載捨出分三號  
合計其田二百二畝九角三十步然其情旨內則  
云本家產田二百四畝一角三十步田以步計似  
卽今以弓計之制每一步爲一弓也然今制每積

弓二百四十爲一畝不盈畝者則以所餘弓尺畸零之數用分釐計之未嘗云餘幾弓也此宋制不能詳攷而其以角計亦未曉其制其碑載田數前後不合亦所未詳也情旨云其田在秀州華亭縣修竹鄉四十三畝宋地理志宣和三年改嘉禾郡爲秀州慶元元年升嘉興府而華亭縣則屬之久矣此碑刻于紹興二十八年宜爲秀州也紹熙四年楊潛雲開志華亭管十三鄉第三爲修竹鄉在縣西九十里三保十二村管里三曰濮陽儀鳳舉塘而不詳四十三都華亭縣志沿革表明嘉靖二

十二年割縣西北境二鄉之半爲青浦縣尋廢萬  
歷元年復割置青浦縣而不詳所謂二鄉者何鄉  
其鄉保卷內則已不載修竹鄉可知修竹鄉屬之  
青浦雲間志十三鄉在縣西北者爲集賢鄉海隅  
鄉在縣西者爲修竹鄉華亭志鄉保仍載集賢而  
不載海隅又可知集賢雖在西北仍屬華亭惟海  
隅當屬青浦矣青浦志鄉保最爲詳晰有舊時鄉  
保現在鄉保參攷之舊時者有修竹鄉分中鄉上  
鄉上鄉內有四十二保三區爲畧五現在者則有  
華上鄉四十二保三區分五畧曰三畧七畧九畧

十一畝十五畝而七畝內有澱山小圩胡家帶朱  
家村北夏村疑所謂澱山小圩朱家村卽今珠街  
鎮澱山一帶則現在之華上鄉卽舊時之修竹鄉  
也沈氏捨田在修竹鄉當近澱山因以施之普光  
王寺俾其便於收穫也情旨內自稱其階曰承節  
郎男爲將仕郎孫男爲右修職郎將仕郎承信郎  
又稱亾太翁亾翁亾考亾兄俱爲承事亾男則稱  
其官爲司戶縣尉又有稱承信者宋史職官志載  
右職換文資之格從事修職換成忠郎未滿三考  
保義郎建功郎換承節郎未滿三考承信郎將仕

郎換承信郎保義郎換修職郎承節承信郎換迪  
功郎進義校尉換將仕郎登仕將仕郎換承信郎  
未見有所謂承事者又修職亦未有加右字者碑  
所載諸階大率不過稱謂之美名未必皆實居其  
職而其爲史志所未備者則亦可資參攷也曾祖  
曰太翁曾祖妣曰太婆皆鄉見此碑其稱婦人曰  
幾十幾娘亦有稱四六娘四八娘三九娘子九九  
娘子省去十字者又從言現在只一男履而現在  
息婦在高氏陳氏陳氏吉氏亡男四人而亡息婦  
有吉氏鄭氏鄭氏之下有亡沈氏曹氏龔氏但有



亡字而無稱謂皆所未詳也普光王寺賜額在紹興八年沈氏施田距賜額後二十年蓋其時此寺方興也沈氏先世本出吳興爲湖州之望族其遷居崑山不知始於何代据此碑則在南宋時已富而多田縣延至二三百年之久其後人有號萬三者值明洪武時太祖遷東南富戶于鳳陽沈氏與焉故其後遂微所謂萬三蓋有田多至一萬三百頃是以施田至二百餘畝不覺其多也所居泖川鄉瀕臨澱湖今地名萬圩相傳卽萬三遺蹟然流俗傳聞不若碑之有據此碑依傍靈祠足垂不朽

而僻在草莽無人著錄今剔抉出之俾其先世祖  
孫兄弟銜名從此顯著是亦施田之報矣

四十二章經

石七俱橫廣四尺高一尺五寸三分前二石各三十  
四行餘皆三十五行每行字數十四至十八不等行  
正書在杭州六和塔

四十二章經

經文不錄今惟取  
書人銜名錄如左

特進尚書左僕射同中書門下平章事吳興郡開國  
公沈該

左正奉大夫守尚書右僕射同中書門下平章事  
雲郡開國公湯□□

左中大夫知樞密院事陳誠之

左中大夫參知政事陳康伯

左太中大夫同知樞密院事王綸

左太中大夫權吏部尚書賀允中

左朝請郎試尚書吏部侍郎兼史館修撰兼侍講葉  
義問

左朝請大夫試尚書兵部侍郎兼侍講兼直學士院  
楊椿

左朝散郎試給事中兼直學士院兼同修國史周麟  
之

左朝散郎試中書舍人兼權樞密都承旨洪遵

左朝散大夫充敷文閣待制提舉佑神觀楊傑

左朝奉大夫權尚書吏部侍郎沈介

左中奉大夫權尚書戶部侍郎趙令詠

左朝奉大夫權尚書禮部侍郎兼侍講孫道夫

左朝請郎權尚書工部侍郎王晞亮

左朝請郎權尚書刑部侍郎兼權詳定一司勅令

黃祖舜

左宣教郎試起居舍人兼權中書舍人張孝祥

左朝請大夫太常少卿兼權中書門下省檢正諸房

公事宋棐

左朝奉大夫守宗正少卿金安節

右朝請郎守大理少卿李洪

右朝議大夫司農少卿董莘

右中大夫行太府少卿錢端禮

左朝奉大夫將作監張宗元

左朝請大夫軍器監張運

左朝請大夫尙書吏部郎中楊朴

右朝奉郎守尙書戶部郎中兼權金部郎中莫濛

右奉直大夫尙書刑部郎中路彬

疎密不等唯允中端禮朴操四人行書餘皆真書後  
有西蜀布衣武翊跋題紹興己卯十一月以史攷之  
是歲六月沈該罷左相陳誠之亦罷樞密其七月賀  
允中自吏部尚書參知政事矣此經蓋書於五月以  
前至仲冬始勒之石也自紹興己卯至今六百餘年  
字跡完好如新惟思退名爲後人磨去南渡石刻工  
妙若此者亦不易得矣

潛研堂金石文跋尾

按四十二章經

萬歷杭州府志錢塘縣志皆誤作二十四章經

在杭州錢

塘江岸六和塔內下層嵌壁咸淳臨安志六和塔  
開寶三年智覺禪師始於錢氏南果園開山建塔

九級後廢紹興十二年奉旨重造二十六年僧智曇因故基成之七層而止据曹勛撰重建月輪山壽寧院塔記云自癸酉仲春鳩功至癸未之春五層告成是年歲晚七級就緒癸酉是紹興二十三年癸未則隆興元年是塔之成非二十六年也武翔跋但言鐫石龕山下作江湖間曠代勝事不云在塔曹勛記亦云此經嵌壁環壁刊金剛經列于上下而不及此經意與金剛經同時而經書于己卯歲在塔成之前四年勛記不及者或嵌壁在塔成之後然武林石刻記但云在六和塔不詳嵌壁

歲月不知何年此碑幸在塔內無一字缺蝕獨思  
退之名後人磨去殆以其在相位效秦檜所爲猶  
七十二賢贊磨去檜記之例然猶存系銜及湯字  
得以知其爲思退也今大藏有佛說四十二章經  
一卷宋正議大夫安國軍節度使開國侯程輝編  
佛教西來元化應運略錄云准周書異記說周昭  
王二十四年甲寅歲四月八日有光來照殿前王  
問太史蘇由對曰西方當有大聖人生後一千年  
教流此土至後漢孝明帝永平七年正月十五日  
夜夢金人身長丈六赫奕如日來詣殿前曰聲教



流傳此土帝旦集羣臣令占所夢時傅毅對以西  
方聖人聲教流傳陛下所夢將必是乎帝遂遣王  
遵等一十八人西訪佛法至月氏國遇摩騰竺法  
蘭二菩薩將白氍毹上書釋迦像及四十二章經一  
卷載以白馬同回洛陽時永平十年丁卯十二月  
三十日也因以騰蘭譯經之所名白馬寺此四十  
二章經入中國之緣起也真宗嘗御注此經今在  
大藏高宗時重建六和塔成廷臣四十二人取此  
經各書一章經文無多惟首章百三十餘字餘或  
數十字少者二十餘字而每章之前各署書人銜

名其人見於宋史表傳及宋詩紀事有可攷者得  
二十六人沈該史無傳宰輔表紹興二十五年十  
二月甲午自敷文閣待制前知夔州召除參知政  
事二十六年五月壬寅授左朝議大夫守左僕射  
同平章事湯思退史傳字進之處州人

宋詩紀事  
青田人

試博學鴻詞科紹興二十五年繇禮部侍郎除端  
明殿學士簽書樞密院事未幾叅大政二十六年  
除知樞密院事明年拜尙書右僕射侍御史陳俊  
卿論其挾巧詐之心濟傾邪之術觀其所爲多效  
秦檜蓋思退致身皆檜父子恩也碑所載爵號史

則略之陳誠之史無傳宰輔表紹興二十六年九月乙巳自敷文閣學士除同知樞密院事二十八年二月丙申除知樞密院事陳康伯史傳字長卿信之弋陽人宣和三年中上舍丙科累知泉州秩滿三奉祠垂十年秦檜死累除吏部尙書尋拜參知政事王綸史傳字德言建康人紹興五年進士第累兼直學士院遷工部侍郎二十八年除同知樞密院事賀允中史無傳宋詩紀事字子忱靖康中爲郎中紹興中拜參知政事宋史宰輔表紹興二十九年正月丁亥自吏部侍郎除參知政事

潛研

政云七月自吏部尙書除參政碑云權吏部尙書不云參知政事  
葉義問史傳字審言嚴州壽昌人建炎初登進士  
第累通判江州秦檜死湯思退薦之擢殿中侍御  
史遷吏部侍郎兼史館修撰尋兼侍讀碑云兼侍  
講則史作侍讀者誤也周麟之史無傳宋詩紀事  
字茂振海陵人紹興十五年進士中宏詞科擢知  
制誥翰林學士終于知樞密院事與碑系銜不同  
洪遵史附洪皓傳字景嚴皓仲子試博學宏詞科  
中魁選賜進士出身紹興二十八年免父喪召對  
拜起居舍人遷起居郎兼權樞密院都承旨二十

九年拜中書舍人楊傑史附楊存中傳存中子官  
工部侍郎宋詩紀事字子寬崞縣人居臨安紹興  
十五年進士仕至權工部侍郎皆與碑系銜不同  
趙令諤史無傳宗室世系表太祖次子燕王德昭  
房有少師昌國公世膺之子贈宣奉大夫令諤不  
詳其歷官孫道夫史傳字太冲眉州丹稜人貢入  
優等張浚薦於高宗賜出身累知蜀州遇事明了  
人目爲水晶燈籠以吏部郎中入對除太常少卿  
假禮部侍郎充賀金正旦使還擢權禮部侍郎兼  
侍講黃祖舜史傳福州福清人登進士第累遷右

司郎中權刑部侍郎兼詳定敕令司兼侍講碑不  
言兼侍講略之也張孝祥史傳字安國歷陽烏江  
人紹興二十四年廷試第一授承事郎簽書鎮東  
軍節度判官秦檜死召爲祕書省正字遷尙書禮  
部員外郎尋爲起居舍人權中書舍人金安節史  
傳字彥亨歙州休寧人宣和六年擢進士第紹興  
初范宗尹引爲剛定官秦檜死累除浙西提刑入  
爲大理卿遷宗正少卿錢端禮史傳字處和臨安  
府臨安人宋詩紀事云徙台之臨海以恩補官紹  
興間通判明州加直祕閣累遷右文殿修撰權戶

部侍郎兼樞密都承旨與碑系銜不同張宗元史  
無傳附見葉義問傳云義問通判江州豫章守張  
宗元忤檜或中以飛語事下漕臣張常先宗元道  
九江常先檄義問拘其舟義問投檄曰吾寧得罪  
不爲不祥常先白檜罷去碑稱將作監殆檜死後  
歷官也張運史傳字南仲信之貴溪人宣和三年  
進士第累兼樞密院檢詳遷軍器監莫濛史傳字  
子濛湖州歸安人以祖蔭補將仕郎累除湖北轉  
運判官未幾知鄂州召除戶部左曹郎中出知揚  
州碑稱兼權金部郎中史略之胡沂史傳字周仲

南宋書紹興餘姚人紹興五年進士甲科陸沈州

縣幾三十載至二十八年始入爲正字遷校書郎

兼實錄院檢討官吏部員外郎轉右司以憂去史

不言兼國史院編修官碑不言轉右司彼此互異

陳俊卿史傳字應求興化人

宋詩紀事  
莆田人

紹興八年

登進士第授泉州觀察推官秩滿秦檜當國察其

不附己以爲南外睦宗院教授尋添通判南劍州

未上而檜死乃以校書郎召孝宗時爲普安郡王

除著作郎兼王府教授累遷監察御史殿中侍御

史權兵部侍郎碑所系司勳員外郎史略之陳棠



史無傳宋詩紀事字德召紹興二年進士官秘書  
少監不言其官考功沈樞史無傳宋詩紀事字持  
要一字持正德清人紹興間登第歷官太子詹事  
不言其官比部韓彥直史附韓世忠傳世忠子字  
子溫以父任補右承奉郎登進士第累拜光祿寺  
丞二十九年遷屯田員外郎兼權右曹郎虞允文  
史傳字彬南隆州仁壽人紹興二十三年登進士  
第宋詩紀事云按咸淳臨安志紹興二十四年張孝祥勝無二十三年宋史誤秦檜當  
國蜀士多屏棄檜死用薦除秘書丞遷禮部郎官  
與碑作兵部者異洪邁史附洪皓傳字景盧皓季

子紹興十五年始中第授兩浙轉運司幹辦公事  
入爲敕令所刪定官添差教授福州累遷吏部郎  
兼禮部除樞密檢詳文字與碑所載歷官全不同  
餘若楊椿沈介王晞亮朱棐李洪董萃楊朴路彬  
張庭實周操葉謙亨鮑彪楊邦弼張洙黃子淳楊  
俠皆未有攷末武棚跋署云十一月旦跂不藥日  
而用旦字此卽近世穀旦之所昉

深水縣正顯廟碑

碑連額高七尺五寸廣三尺七寸二十二行行四十  
字隸書額題重修正顯廟碑六字篆書在深水縣  
建康府深水縣重修正顯廟碑

左承議郎提舉兩湖路市舶王端朝詞并書

溧水東門之側有廟曰正顯蓋城隍神白君祠也君諱  
季康唐元和間人爲官清白通濟凡作四縣令而終於  
溧水雖歸葬下邳然溧民尸而祝之數百年不忘卽縣  
治爲祠水旱疾癘必禱焉五代亂離未有封爵 皇  
宋一天下而茲邑望京師餘千里亦不暇上聞 天  
子省方東南婁幸建康 光暉所照百里而近神之  
受職厥有顯報紹興十年故戶部侍郎李公朝正寔宰  
溧水有所必獲以聞于 朝錫廟額曰正顯始以陰  
功受 帝御書後進封廣惠侯緝章信珪列于五等

神既嘉享民皆具依桑蠶不罅歲得大稔鰥寡有養奸  
宄減息民德之益深奉以府君名其子邑人錢秀朱抃  
等以廟宇朽弊徧走大家傍及喜捨寸積銖累日盈月  
溢增新廣舊不陋不華爲外門三楹中門如之正殿三  
楹後寢亦如之挾以副宇繚以周廊獻殿處中露臺高  
峙丹青繪事與衛悉備炳煥光采標冠一時取屋五十  
間歲四月十有八日邑人記侯誕節競爲侯壽饒歌鼓  
吹旌義節斧森乎其前驅僊釋威儀倡優技巧駢然而  
次進侯臨之如生邑人榮之竊嘗以謂幽顯一涂神人  
同道生而廉正歿則必他否亦爲神積功儲行列于上

清如府君是已於少傅樂天爲叔其家濶可知也叅承  
相敏中爲子其義方可知也承相出入將相垂三十年  
府君在當時已贈至極品而史不書端朝浮家南來卜  
築深源起居飲食皆神之芘邑人以紀事見屬夫其可  
辭詞曰

於惟府君 唐之良吏 有德於民 宜百世紀 偉  
扶廟兒 在城之東 萬石之虞 千柱之宮 羽衛  
森嚴 丹青顯設 緹衣驚冕 玉戚金節 侯之蒞  
止 風雲肅然 顧我深民 擇祝惟虔 侯之諒止  
笳鼓爭進 顧我深民 盧牟斯盡 侯旣醉止

氣斯大餘 年豐俗樂 民飽而歌 侯旣歸止 里  
閭咸仰 月而祝之 家有遺像 少傅之叔 丞相  
之父 中興天子 箕無斯舉 在唐有聞 在宋有  
光 佑我溧民 億載無疆

乾道元年冬十一月甲子左朝奉郎知縣事李魚立  
石

刊者潘壽隆

按溧水縣宋屬建康府卽今之江寧府也縣有城  
隍廟額曰正顯神爲唐縣令白君諱季康卽唐相  
敏中之父兩唐書無傳卽敏中傳亦不附見舊書  
敏中傳稱敏中爲居易從父弟新書作從祖弟据

居易之父名季庚宰相世系表季庚爲知節之子

居易從伯非父也

今本世系表知節下誤空一格  
据居易從父名皆季字因更正

之居易父名鎰官鞏令與季康爲從兄弟傳稱居

易其先太原人後家韓城又徙下邳碑故云歸葬

下邳碑又云皇宋一天下而茲邑望京師餘千里

宋史地理志溧水爲次畿蓋南渡後定都臨安則

溧水爲次畿碑亦似指南渡而言若初一天下都

汴溧水去京師較遠不止千里不得爲次畿也廟

爲紹興十年李朝正作令時聞于朝賜額重修朝

正後官戶部侍郎碑紀其治績而史無傳碑立于

乾道元年距修廟又二十六年神以四月十八日  
誕節邑人競用饒歌鼓吹旌燾節斧僊釋威儀倡  
優技巧爲壽益神廟慶誕之儀自宋已然矣揆文  
者王端朝署曰詞并書猶有唐人遺法

漢中新修堰記

磨崖高八尺五寸八分廣七尺四寸二  
十六行行三十三字正書在襄城縣

乾道元年

四川宣撫使判興州吳公朝

行在

所

上寵嘉之口拜上口口爵真王仍以奉國節髦

移鎮漢中粵自用武而來戎馬充斥民事寢緩 公

至則曰國基於民而民以食爲天凡所以飽吾師彊吾



國者民也民事顧緩而恬不加卹是不知本之甚也其  
可乎哉乃申飭寮吏件口 詔令之忠厚愛民與夫

政事之偏而不起者次第施行之給和糴之糴而人無  
口口停踰時之賦而困窮以蘇兼并均口口口弗貸嚴  
而不口寬以有制至若口蠹除害惠澤流布家至戶到  
咸知樂業明年春農務口口口 公口口口內溉浸之  
源口口者無若漢口國曹公山河堰導褒水口口木石  
口口而疏口口口而西者口於褒城之野行于東南者  
悉歸南鄭之區其下枝分派別口口口口口田疇之  
渠百姓饗其利惟時二邑久口怠作每歲鳩工度材以

鉅萬計□□□□□狡獪者贏其材僥倖者奇其下  
□以異時小夫賤隸染污習熟□丁□□□爲姦以  
故無告蒙害澤不下究 公□然念之銳意改作與

提點刑獄兼常平使者秘閣張公商摧利病先事  
設備偕詣堰所擊鮮格神涓日起役畚鍤如雲萬指齊  
作乃檄通判軍府事史祁俾總督之僅兩浹日斷手凡  
用工若材畧爲省而□初獲□之隄又數百丈祁會  
邑宰宣勞殫力往來其間申畫畔岸以杜紛爭檢校精  
□以□勤惰如 公指麾人自知畏不□而辦先是  
光道□積弊驟廢踰廿年而□□下□□供豪右輪□

之用異時沃野皆化□□民寔病之

公又躬卽其

處相方度宜□□□料簡卒徒官給材用分□方略

逸道使之刻期而就凡以工計者又十萬有□□□□

□雖廣能周槩三萬餘畝復□上腴訖事而民弗預抑

又□焉欽惟

我公□□□□□□社稷之衛而

司全蜀之□者歷三紀矣逮茲保釐功崇位極乃復推

□□□□□事爲

朝廷固不拔之基與黔首垂

無窮之福□非識慮□□者之所能爲也□□異代創

業之輔□□□寔今日

中興之佐先後相望於千

有餘歲其愛人利物之心及所成□不約而同可謂盛

德事也召父杜母何足擬倫褒中之石幸可磨鐫詞口  
不腆絳職在是庸敢直書昭示來世乾道二年六月十  
五日門生口口政郎充利州路提舉常平司幹辦公事  
楊絳記并書

門生右朝奉郎通判興元軍口口口事兼管內勸  
農事史祁勒石

鐫者程彥忠

此是修棧中道路所立今俗名堰界石又有嘉定七  
年刻者亡

關中金  
石記

按堰界石在褒城縣東三里龍江中陝西通志有  
上下二石上一石橫刻使府打量到下鐫古界從

此石至南大宋乾道元十一月初五日眉山史可  
觀記下一石鑄制置大使提修道張儀准相命檄  
自嘉定三年至七年督責軍人董工治堰嘉定七  
年三月記關中金石記所謂嘉定七年刻者亡卽  
張儀治堰記也此碑是乾道二年六月十五日楊  
絳記非乾道元年史可觀記與史不合文是磨崖  
非刻于堰界石者關中金石記指爲卽修棧道路  
所立俗名堰界石者非也記爲築山河堰而作非  
爲修棧中道路其誤顯然文云乾道元年四川宣  
撫使判興州吳公朝行在所上寵嘉之口拜上口

口爵真王乃以奉國節髦移鎮漢中吳公卽吳璘  
宋史孝宗紀及吳璘傳乾道元年四月乙巳吳璘  
來朝進封新安郡王判興元府其判興州則在紹  
興二十六年興州後改沔州順政郡紹興十四年  
爲利西路治所也興元府卽漢中郡傳稱璘至漢  
中修復褒城古堰溉田數千頃民甚便之卽此碑  
所記也碑云溉浸之源無若漢口國曹公山河堰  
導褒水西至於褒城之野東南歸南鄭之區宋史  
河渠志興元府山河堰灌漑甚廣世傳爲漢蕭何  
所作嘉祐中提舉常平史炤奏上堰法獲降勅書

刻石堰上詔中興以來戶口凋疎堰事荒廢累增  
修葺旋即決壞乾道七年遂委御前諸軍統制吳  
玘經理發卒萬人助役盡修大堰濬大小渠六十  
五凡溉南鄭褒城二十三萬餘畝史云漢蕭何碑  
云漢曹公史云乾道七年吳玘修堰碑云乾道二  
年吳玘修堰彼此互異當据碑以證史也

楊從義墓誌

碑高八尺七寸五分廣四尺五寸四十一  
行行一百二十字正書篆額在城固縣

宋故和州防禦使提舉台州崇道觀安康郡開國侯食  
邑一千七百戶食實封一百戶楊公墓誌銘

左朝散大夫新通判成州軍州事主管學事兼管內  
勸農事袁勃撰

右朝奉郎權知洋州軍州事主管學事兼管內勸農  
事偕紫李昌謬書

右朝散郎通判洋州軍州事主管學事兼管內勸農  
事賜緋王椿篆

忠義立身之大節知勇爲將之要道此古今不易之論  
也使忠義立於內而或料敵不明臨機不果則亦無益  
於事功知勇發於外而或偷生以求安避害以畜利則  
亦無取於名節有一于此則不足以安國家衛社稷乃



若忠出天資知稱人傑禦大敵於擾攘濟中興於艱棘  
卓然在義勇萬人中而獨成義勇之功者其惟楊公平  
公諱從義字子和鳳翔天興人曾祖懷信曾祖妣王氏  
祖武晟祖妣李氏皆潛德不仕父仲方以公貴累贈武  
功大夫母高氏累贈碩人公幼慷慨嘗以功名自許靖  
康丙午金人犯順連破諸國狃於常勝侵軼中原所過  
輒下無敢撓其鋒者時太平久兵備浸弛乃 詔陝西  
五路募義勇萬人勤 王詔詞有每聞邊報痛徹朕心  
之言公聞而歎曰國家艱難正忠臣義士効死之秋豈  
可久安田里爲一身計哉卽奮然而起應原州之募太

守杜平見而奇之曰汝志不羣首赴義勇所謂以義伐  
不義異日唾手富貴居吾右矣建炎初三月虜寇涇原  
忠烈吳公玠破虜大將婁堅于青溪嶺分遣公以奇兵  
邀擊斬首一百七十餘級補進武校尉權天興縣尉三  
年八月忠烈遣公覘虜動息公被圍於同州聖山廟公  
仰天誓曰若出重圍當捐軀報國叱左右矢石交下殺  
數百人虜治雲梯公急取竹爲籠實之以土號曰土牛  
有頃雲梯大集遂以土牛摧折之敵亂乘勢大戰而出  
轉承信郎遷隊將四年九月我師不利於富平五路垂  
陷忠烈會諸將于隴州八渡議戰公獨進曰虜人侵軼

無敢與爭惟公能挫其鋒於青谿嶺者蓋得形勢之助也今虜已陷涇原將入熙河計非半載未還爲今之計莫若先據地利扼其要害以制之當爲公先取鳳翔復爲基本忠烈曰善卽檄公領兵進復鳳翔旣入悉降其衆不戮一人得粟三十萬斛時忠烈公方營寶雞西南曰和尚原因貯公所得之粟以資餽餉軍不乏食士卒咸悅遂移府事以治之檄公知天興縣事本府駐劄轉保義郎陞部將紹興改元三月虜自熙河復圍鳳翔勢益熾公告二親曰爲人之子非敢蹈於不孝今城中兵寡守死無益不若潰圍求援卽泣別而行公與子大勲

率戲下百餘人力戰至夜半突圍得出忠烈見而勞之  
曰尔忠有餘矣柰二親何公泣曰昨在圍中勢必俱死  
萬一天監其衷戮力一戰取之易尔忠烈壯之權選鋒  
統領守神岔四月忠烈遣公與敵戰于渭南以奇功轉  
秉義郎進副將五月鳳翔虜酋沒立會階州虜酋折合  
各統五萬衆夾攻和尚原忠烈遣公逆擊沒立一軍於  
神岔大破之獲敵酋廢察胡郎君俘斬二百五十有一  
轉武略郎兼閤門宣贊舍人陞正將十月虜元帥四太  
子會諸道兵十餘萬必欲取和尚原先犯神岔以警我  
師忠烈遣公擊之公賈勇先登接戰三日虜又分兵寇

龍門關統制吳公璘掩擊敗走追及神倉虜援兵大至再合戰公潛以精兵橫貫其腹斫其首尾吳公引兵追及虜大潰俘斬千餘人棄鎧甲牛馬萬計轉武德大夫開州刺史遷統領軍馬兼秦鳳路兵馬都監先是虜恥屢敗遂囚公二親于青谿寨公內不自安二年正月公乞兵以往忠烈許公帶本部出北山斷虜糧道行數日至麻家嶺遇敵接戰翌日至青谿虜會諸寨兵爲援自辰合戰至莫大破虜衆奉親以歸忠烈喜曰公深入重地能破強敵迎還二親可謂忠孝兩全轉武功大夫三年正月虜寇石板谷忠烈遣公禦之公先設伏以待敵

至以奇兵劫之虜家敗走追襲十餘里斬首數百轉右  
武大夫陞鈐轄二月僞元帥四太子擁大軍由南於侵  
饒風關犯梁洋經我斜道出鳳州再攻和尚原忠烈復  
遣公引本部由間道應援和尚原以功轉拱衛大夫公  
嘗憤虜人侵暴不已得其使命卽黥剿而歸之公至和  
尙原都統郭浩厲聲曰比虜使至公辱而使歸是激敵  
怒今擁衆二十萬來攻請公當之公對曰虜據梁洋遣  
人以書見微言很而色傲欲恃勢脇我儻不辱之誠爲  
自弱今日之事決戰而已敵衆百倍何足慮也統制吳  
公親率公等於是鼓行而前徑與虜戰于栢村一擊破

其三陣敵衆大敗追襲至涓踪踐溺死者不可勝計水爲之咽流吳公因謂衆曰此捷楊鈐之力也轉親衛大夫四年二月虜入寇殺金平自元帥以下盡室而來示無返意全蜀震恐旣戰我師初不利公急據第二堡外預設鹿角之地率强弩併力迭射一日三戰傷殺甚衆虜引兵稍卻翌日來攻萬人敵堡統領姚仲重傷公代之率諸將戮力鏖戰五日所向皆靡大破敵衆餘黨悉遁自是虜不敢輕舉全蜀之民各安其生者雖吳氏之功然於攻戰之際公有力焉以奇功轉中亮大夫郢州防禦使五年辟知洋州兼管內安撫司公事公嘗從忠

烈登殺金平過第二堡門忠烈顧瞻形勢指虜敗處以  
策擊鵠謂公曰此衿喉地往歲一戰安危所系非公出  
力幾敗大事嘆賞久之九年正月虜歸我河南侵疆十  
年五月虜復背盟僞元帥撒离喝領大軍侵犯陝右宣  
撫胡公世將擢公同統制與諸軍會於涇州回山原大  
戰三日虜氣未衰議者欲潛師而還留裨將以扞公曰  
我輩蒙國厚恩今日當以死戰柰何移禍它人願留  
本部兵以拒之公張蓋示以閒暇虜人競進公叱咤力  
戰縱我軍數萬衆得出遂下回山轉戰十餘里全師而  
還轉協忠大夫七月虜據鳳翔胡公擢公知鳳翔府兼



管內安撫使就守和尚原八月與虜戰于蒲坂河及汧陽連敗敵衆俘斬數百人奪馬千餘匹轉履正大夫陞都鈐轄節制鳳翔府忠義軍馬九月遷馬步軍副總管十一年七月都統楊政出鳳翔公隸焉與敵人戰于陳倉魚龍川石鼻寨屢戰屢捷生獲虜酋珍珠字董諸軍凱還後三日僞元帥撒离喝整衆再犯和尚原公才千人進據川金堦敵衆益盛士有懼色公厲聲曰當各奮壯心以氣吞之聞鼓畢入敢後者斬公率衆先登鼓譟競進自卯至酉殊死力戰虜衆大敗轉宣正大夫遷統制軍馬和尚原素號形勝蓋秦蜀必爭之地虜屢欲以

奇取之公扞守二年竟無可乘之隙及因糧於敵餽運  
減省胡公嘉之敷奏于 朝敵既不得意遂伸咏好是  
時將迎奉 徽廟梓宮請還 太后鸞輅遂許割和尚  
原十二年春 詔宣諭使鄭剛中分畫其地而移公知  
鳳州既割和尚原而殺金平復爲要地其傍則仙人原  
也四川兵費邊儲萃于魚關三者相距皆十許里有司  
謂當得人以守遴選諸帥無出公右者十七年命公以  
本部兵屯仙人原公鎮守其地垂二十年保固無虞轉  
宣州觀察使會 朝廷詔大臣舉智謀武略可充將帥  
者參政楊公椿首以公應 詔授正侍大夫三十一年

九月虜主完顏亮遽絕和好南自江淮西連秦隴舟車  
器甲之盛亘古未有乃分遣僞帥合喜統兵數十萬自  
鳳翔至寶雞沿渭水連營列柵占據大散關宣撫招討  
吳公謂公曰賊據散關扼吾衿喉當急圖之遂擢公節  
制軍馬知鳳州公引兵與敵對壘且相視形勢難以力  
取於是晝易旌旗夜增火鼓示不可測虜益增備轉糧  
草爲持久計吳公親提大兵出涇秦攻德順軍以分其  
勢仍命公牽制散關僞帥合喜果分兵赴援三十二年  
閏二月公乘勢遣兵出御愛山抵天池原驚撓敵寨及  
斷其餉道又密遣兵焚其東西兩山樓櫓鼓譟從之聲

震山谷虜人驚駭奔閉而走公乘勝進據和尚原則虜  
亦宵遁矣翌日有騎數千復來入谷公領兵逆擊之時  
天大雨雹風霧晝晦公選神臂弓射之虜酋中流矢引  
衆敗去若神助焉寶雞賊帥恐我師乘勝擊之盡焚大  
寨退保鳳翔由是渭水以南復歸版籍以功真拜和州  
防禦使賜爵安康郡開國侯食邑一千七百戶食實封  
一百戶公自壯歲從事軍旅未嘗一日在告盡瘁王事  
常若不及每自嘆曰吾奮身映廊荷國恩寵誓欲捐  
軀以効尺寸今年踰七十力所不逮勉強而不可得矣  
會王師解嚴遂丐歸田里其請甚確吳公以公精力未

表止聽解兵職遂辟知龍州寔隆興元年之七月也明年改知文州又明年吳公移鎮漢中梁洋接境實爲重地乃辟公復知洋州兼管內安撫使節制軍馬洋人聞公之來舉酒相賀曰復得吾邦舊使君矣老稚歡迎不絕于路公暇日嘗讀漢留侯傳至願弃人間事欲從赤松子游之言公慨然慕之銳意求退上章力請歸休乾道二年九月 敕授提舉台州崇道觀介梁洋間居焉五年二月十八日以疾終于所居之正寢享年七十有八娶韋氏卒再娶苗氏卒皆贈令人又娶張氏累封令人子男八人曰大勲右武大夫果州團練使御前右軍

統領權統制彈壓軍馬安康郡侯食邑一千七百戶曰  
大亨武經大夫御前中軍同統制本管軍馬曰大節從  
義郎御前前軍第三將副將曰大昌秉義郎御前右軍  
第一將隊將曰大年忠訓郎亡曰大林忠翊郎御前前  
軍第一將隊將曰大森曰大有皆成忠郎女十人長適  
武功大夫左部正將丁立亡次適左武大夫御前中軍  
同統制本管軍馬胡清次適承信郎張祐亡次適承信  
郎郭良臣次適承節郎彭案次適保義郎傅汝弼次適  
右從事郎城固縣丞張滑餘在室孫男十一人曰祖慶  
秉義郎成都府路第二將隊將曰祖廉承信郎御前前

軍第三將隊將曰祖榮成忠曰祖顯曰祖仁曰祖寧  
曰祖椿曰祖輝曰祖賢皆保義郎曰祖誥曰祖訓皆承  
節郎孫女十七人長適承信郎李雍次適承信郎張師  
古次適承節郎劉之義次適保義郎侯詵次適承信郎  
張寔餘在室曾孫男三人曰世忠保義郎曰世輔曰世  
傑皆承節郎曾孫女三人在室元孫男二人曰紹先曰  
紹光皆承信郎諸子以其年三月甲申舉公之喪葬于  
城固縣安樂鄉水北村生祠之側維楊氏系緒遠矣自  
東漢太尉震起于開西以清白遺子孫奕世載德代不  
乏人公奮乎千載之後自致功名有光于祖可謂天下

偉男子矣 朝廷雅聞公名故所賜訓詞有曰知義之  
貴以勇得名益奮壯心遂成偉績擢紳誦之以爲美談  
公善射發無不中嘗偕王人劉參贊子羽行饒風嶺有  
虎突出叢薄間人皆辟易公躍馬而出以一矢斃之故  
射虎之名喧達都下方二親之在虜也而青谿之民日  
瞻其費賴以保全及公破青谿旣得二親併載其民以  
歸給田廬家之於梁洋至今賜給不絕 朝廷聞之以  
孝義特賜旌表公之行不特此也爲郡尤以愛民爲本  
初洋州有楊填等八堰久廢不治公皆再葺之溉田五  
千餘頃復稅租五千餘石又增營田十四屯公私以濟



民爲立祠宣撫處置張公浚聞于上賜詔獎諭初

公至鳳翔也有流民數萬在境內或疑其反側悉拘于山谷間公矜其無辜皆縱之後岐雍大歉流民復入開就食公復納之所活甚衆西邊饋運自昔頗艱公至鳳州首創營田四十屯民力減省軍食充足又預築鳳之黃牛堡以塞散開之衝創文之高平原以控西羌之路爾後皆獲成效其先見之明古之名將所不能及公惟寬厚喜士不以其貴驕人接物逮下喜愠不形于色雖部曲偏裨率皆待以恩禮軍旅之暇採摭諸史兵家實効分門成帙釐而爲三十卷目之曰兵要事類漢守張

行成太學博士李石皆蜀名士爲之序引其書遂行于世初公預爲送終之具嘗託門下士朱許昆季迹其行事編爲陞除錄勃偶備員魚梁總幕得親炙公言論一日公出示所錄委勃爲誌勃竊駭愕因問其故公曰僕以義自奮以勇立節每遇戰事許國以死萬一得酬素志則區區之心誰能表襮之故欲先爲之計儻得名卿鉅儒特書其事他日瞑目無憾矣勃嘆曰自中原俶擾豈無忠臣謀士力作中興然於出處用捨之際或有愧焉公始以數百孤軍出重圍不測之親從吳氏伯仲挫乘勝方張之虜堰楊填以惠梁洋之民復散關以壯川

蜀之勢起匹夫之微而爵通侯之貴勤勞百戰之餘而  
優游乎二千石之良明哲保身以功名始終蓋未有如  
公之全者也使人皆如公徇國而不徇私懷義而不  
懷利則何患乎勲業之不立耶異時載在盟府繪像作  
頌血食一方祀必百世其誰曰不冝乃爲之銘銘曰

炎光晦矇 赫然而中 天佑生賢 龍飛雲從 其

賢伊何 翼翼楊公 公來自西 名達九重 惟天

子明 喜得牙距 料敵制勝 允兼文武 庸功上

聞 天子曰嘻 利勢安強 皆汝之爲 忠以視身

義而報國 智可周物 勇摧大敵 備德有四

孰與之京 風廓霧舒 偉績用成 導利之功 惠  
澤無窮 粒食用乂 是敬是崇 氣老愈壯 金湯  
是託 或云不弔 遐邇驚愕 梁山戕戕 漢水湯  
湯 公名與俱 德音不忘 西周王傑刊

從義字子和以靖康丙午歲應募起隸吳忠烈玠麾

下云建炎二年八月被圍于同州者謂金將婁室亦

婁室

取下邽九月破同州事也時公在圍中云四年

九月我師不利於富平者謂金太子宗輔爲副元帥  
督師陝西九月敗張浚五路兵於富平也云紹興改  
元十月金四太子必欲取和尚原先遣兵攻神垕以

警我師忠烈道公擊之者謂是年十月玠保和尚原  
金將沒立自鳳翔烏魯折合自階成出散關約日會  
和尚原折合先期至陳北山索戰玠命諸將堅陳待  
之更戰迭休金兵潰散沒立方攻箭括關玠復遣將  
擊退之會婁室死兀朮復會諸道兵十餘萬造浮梁  
跨渭自寶雞連結諸營與玠兵相拒玠復命諸將以  
勁弓強弩却之先設伏兵於神塋以待金兵至大亂  
縱擊破之是也云三年二月四太子擁大軍由商於  
侵饒風關再攻和尚原玠遣公引擊者謂金撒離喝  
分兵攻關統制郭仲敗走金兵入興元經略使劉子

羽棄城走三泉玠退保仙人關金兵深入旣由褒斜  
谷還興元玠子羽追擊之是也饒風關在今石泉縣  
西五十里云四年二月金兵入殺金平自元帥以下  
盡室而來示無返意者謂吳璘守和尚原饋餉不繼  
玠謂其地去蜀遠命棄之于仙人關右殺金平剽桀  
一壘移兵守之至是兀朮撒離喝及劉夔等三十萬  
騎入侵玠與璘及金人轉戰數晝夜不息是也云九  
年金歸我河南侵疆者謂金以陝西地來歸遣使王  
倫受地是也云十年五月金背盟撒離喝侵陝右公  
與諸軍會於涇州回山原七月金據鳳翔八月與金

戰于蒲坂河者謂是年金兵犯石壁及吳璘與金鵠  
眼郎君戰撒離喝入邠州胡世將遣公及王彥分道  
摧敗之撒離喝退屯鳳翔九月楊政遣公夜襲金兵  
至十一月又襲之寶雞是也至是公隸楊政軍云十  
一年七月與金戰於陳倉撒離喝再犯和尚原又戰  
却之者謂是年春正月公旣敗金兵於渭南攻克隴  
州與戰於寶雞擒金通檢字堇是也宋史高宗紀作  
十月與此小異是時和議已成朝廷召政還以商秦  
之半畀金公亦移守鳳州復退保仙人關垂二十年  
無所事者皆公之力也云三十一年金主完顏亮遽

背盟好者謂是年九月金兵攻黃牛堡爲吳璘所敗也云三十二年閏二月公乘勢出攻金兵宵遁者謂璘遣公攻拔大散關分兵據和尚原金人走寶雞是也蓋是時始以功真拜和州防禦使賜爵安康郡侯而弃三路之議起璘於是平班師公於是平丐歸矣公以乾道五年二月卒有子八人女十人子及聶並爲郎官宋史不立公傳其詳並見高宗本紀及璘玠政等傳因疏出之並見碑刻之爲功於史者不小也

關中金  
石記

按此誌撰者袁勃書者李昌諤篆者王椿史皆無



傳誌叙楊從義自建炎初隸忠烈吳玠補進武校尉繼隸宣撫吳玠逮隆興三年累官至和州防禦使知洋州賜爵安康郡開國侯計前後四十年所立戰功不爲不多始終受吳玠吳玠指揮史旣不爲從義立傳卽吳玠傳中亦無一語及之南宋書吳玠傳祇附郭浩楊政王俊張超四人而不及從義且從義武臣未嘗嫻文事乃輯兵要事類三十卷誌稱張行成李石爲序而行世稽之宋史藝文志亦失書凡此皆可補史所未備也史稱吳玠卒益武安作廟于仙人關號忠烈然則忠烈是吳玠

公頌而誌則稱玠爲忠烈不云武安誌稱公預爲  
送終之具託門下士朱許昆季迹其行事編爲陞  
除錄此卽後世生作年譜行狀之所昉也朱許必  
是幕客而稱之爲門下士則門下士之稱不必專  
屬之貢舉門生矣誌載從義事蹟多與史合關中  
金石志疏之已詳茲不贅

金石萃編卷一百四十九終